

地 150.297
39
部 = 18

卷之八

藝文下

詩賦

機祥

外紀

義勇

靈寶縣志

重修靈寶縣志卷之八

邑令涪陵周

淦

署令金陵方

昨

勳

藝文志下

詩賦

渡黃河

齊范雲

河邊汎且濁湯湯不可陵
檜楫難爲榜松舟纔自勝
空亭偃舊木荒疇餘故塍
不覩行人迹但見狐兔興
寄言河上老此水何當澄

至老子廟應詔

周庾信

虛無推馭辯寥廓木乘蜺
三門臨苦縣九井對靈溪
成丹

靈寶縣志

卷之八

藝文下

一

須竹節量藥用刀圭石似
臨邛芊芝如封禪泥罷毛
新鶴小盤根古樹低野戍
孤煙起春山百鳥啼路有
三千別途經七聖迷唯當
別關吏直向流沙西

唐元宗題老子故宅

仙居懷聖德靈廟肅神心
草合人蹤斷塵濃鳥跡深
流沙丹灶沒關路紫烟沈
獨傷千載後空餘松栢林

唐德宗題御題寺

高僧居淨域客子戀皇宮
試訪毘耶室旋遊方丈中
禪林吹梵響忍草散香風
妙說三元義能談不二宗
色空雙已

滅內外兩緣同識盡無生理乃覓出凡籠

秋風函谷應詔

唐徐賢妃

秋風起函谷朔氣動河山偃松干嶺上雜雨二陵間
泣雲愁廣隰落日慘重關此時飄紫氣應兆真人還

函谷關

干鄴

幾度作遊客客行長苦辛愁看函谷路老盡布衣人
歲遠關猶舊時移草亦春何當名利息遣此絕征輪

前題

宋之問

二百四十載海內何紛紛六國兵同合七雄勢未分
縱成

靈寶縣志

卷之八

藝文下

二

拒秦帝策決問蘇君鷄鳴將狗盜論德不論勳

前題

楊齊哲

地險峭陵北途經分陝東逶迤泉水盡荒涼古塞空
川光流曉日樹影散朝風聖德今無外何處是關中

過秦嶺

孟貫

古今傳此嶺高下勢崢嶸安得青山路化爲平地行
蒼苔留虎跡碧樹障雞聲欲過一回首踟躕無限情

和酬虢州李司法

楊炯

唇齒標形勝關河壯邑居寒山抵方伯秋水面鴻臚
君子

從遊宦忘情任卷舒風霜下刀筆軒蓋擁門間平野芸黃
遍長洲鴻雁初菊花宜泛酒蒲葉好裁書昔我芝蘭契悠
然雲雨疎非君重千里誰肯惠雙魚

奉和聖製經函谷關作

張九齡

函谷雖云險黃河已復清聖心無所隔空此置關城

至桃林塞作

崔湜

去國未千里離家已再旬丹心恒戀闕白首更思親懷璧
常貽訓捐金詎得鄰抱冤非忤物罹謗豈由人不濫辭終
辨無瑕理竟伸蔽還中省舊符與外臺新塞上同遷客江
潭異逐臣淚垂非屬峴腸斷固由秦歲月行迺盡山川難
重陳始知亭伯去還是拙謀身

宏農清嚴曲有磐石可坐宋十一之間每拂拭待余

寄詩贈之

田遊巖

信彼稱靈石居然狎遁棲裴回承翠巘斌駁帶深谿夕陰
起層岫清景半虹霓風來應嘯阮波動可琴嵇僕也頽陽
客望彼空思齊儻見山人至簪蒿且杖藜

經函谷關

韋應物

洪河絕山根單軌出其側萬古爲要樞往來何時息秦皇

既恃險海內被吞食及嗣同覆顛咽喉莫能塞炎靈詎西
駕婁子非經國徒欲扼諸侯不知恢至德聖朝及天寶豺
虎起東北下沈戰死魂上結窮冤色古今雖共守成敗良
可識藩屏無俊賢金湯獨何力馳車一登眺感慨中自惻

初至西虢官舍南池呈左右省及南宮諸故人

岑參

黜官自西掖待罪臨下陽空積犬馬戀豈思鷓鷯行素多
江湖意偶佐山水鄉滿院池月靜捲簾溪雨涼軒窓竹翠
濕案牘荷花香白鳥上衣桁青苔生筆牀數公不可見一
靈寶縣志

卷之八

藝文下 詩

四

別盡相忘敢恨青瑣客無情華省郎早年迷進退晚節悟
行藏他日能相訪嵩南舊草堂

虢中酬陝西甄判官見贈

前人

微才棄散地拙宦慚清時白髮徒自負青雲難可期胡塵
暗東洛亞相方出師分陝振鼓鞶二嶠滿旌旗夫子廊廟
器迴然青冥姿闔外佐戎律幕中吐兵奇前者驛使來忽
枉行軍詩晝吟庭花落夜諷山月移昔君隱蘇門浪跡不
可羈詔書自徵用令譽天下知別來春草長東望轉相思
寂寞山城暮空聞畫角悲

號州郡齋南池幽興因與閩二侍御道別

前人

池色淨天碧水涼雨淒淒快風從東南荷葉翻相西性本
愛魚鳥未能返巖谿中歲徇微宦遂令心賞睽及茲佐山
郡不異尋幽棲小吏趨竹徑訟庭侵藥畦胡塵暗河洛二
陝震鼓輦故人佐戎軒逸翮凌雲霓行軍在函谷兩度聞
鶯啼相看紅旗下飲酒白日低聞君欲朝天駟馬臨道嘶
仰望浮與沈忽如雲與泥夜眠驛樓月曉發關城雞惆悵
西郊暮鄉書對君題

靈寶縣志

卷之八

藝文下 詩

五

號州送鄭興宗弟歸扶風別廬

前人

佐郡已三載豈能長後時出關少親友賴汝常相隨今日
忘言別愴然俱淚垂平生滄洲意獨有青山知州縣不敢
說雲霄誰敢期因懷東谿老最憶南峰緇爲我多種藥還
山應未遲

號州酬辛侍御見贈

前人

門柳葉已大春花今復闌鬢毛方二色愁緒日千端夫子
屢新命鄙夫仍舊官相思難見面時展尺書看

稠桑驛喜逢嚴河南中丞便別

得時字

前人

駟馬映花枝人人夾路窺離心且莫問春草自應知不謂
青雲客猶思紫禁時

參系西掖
曾聯接

別君能幾日看取鬢成絲

號州送天平何丞入京市馬

前人

關樹晚蒼蒼長安近夕陽回風醒別酒細雨濕行裝習戰
邊塵黑防秋塞草黃知君市駿馬不是學燕王

送王七錄事赴號州

前人

早歲卽相知嗟君最後時青雲仍未達白髮欲成絲小店
關門樹長河華岳祠宏農人吏待莫使馬行遲

號州西亭陪端公宴集

前人

靈寶縣志

卷之八

藝文下 詩

六

紅亭出鳥外駿馬繫雲端萬嶺牕前睥千家肘底看開瓶
酒色嫩踏地葉聲乾爲逼霜臺使重裘也覺寒

號州卧疾喜劉判官相過水亭

前人

卧疾嘗晏起朝來頭未梳見君勝服藥清話病能除低柳
共繫馬小池堪釣魚觀棋不覺暝月出水亭初

號州南候嚴中丞不至

前人

池上日相待知君殊未回徒教柳葉長漫使梨花開駟馬
去不反雙魚空往來思想

一作
想思

不解說孤負舟中杯

題號州西樓

前人

錯料一生事蹉跎今白頭縱橫皆失計妻子也堪羞明主
雖然棄丹心亦未休愁來無去處祇上郡西樓

佐郡思舊遊

并序

前人

已亥歲春三月參自補闕轉起居舍人夏四月署虢州
長史適見秋草涼風復來昔桓譚出為六安丞常忽忽
不樂今知之矣悲州縣瑣屑思掖垣清閑呈左右省舊
遊

幸得趨紫殿却憶侍丹墀史筆眾推直諫書人莫窺平生
恒自負垂老此安卑同類皆先達非才獨後時庭槐宿鳥

靈寶縣志

卷之八

藝文下

詩

七

亂階草夜蟲悲白髮今無數青雲未有期

虢州後亭後李判官使赴晉絳

得秋字

前人

西原驛路挂城頭客散紅亭雨未收君去試看汾水土白
雲猶似漢時秋

虢州西山亭子送范端公

得濃字

前人

百尺紅亭對萬峯平明相送到齋鐘驄馬勸君皆卸却使
君家醞舊來濃

題觀樓

前人

荒樓荒井閉空山關令乘雲去不還羽蓋霓旌何處在空

留藥白向人間

函谷關歌送劉評事使關西

前人

君不見古函谷關崩城敗壁至今在樹根草蔓遮古道空
谷千年長不改寂寞無人空舊山聖朝無事不須關白馬
公孫何處去青牛老人竟不還蒼苔白骨空滿地月與古
時長相似野花不省見行人山鳥何曾識關吏故人方乘
使者車吾知郭丹却不如請君時憶關外客行到關西多
寄書

魏州西亭觀眺

前人

靈寶縣志

卷之八

藝文下 詩

八

亭高出鳥外客到與雲齊樹點千家小天圍萬嶺低殘虹
挂陝北急雨過關西酒榼緣青壁瓜田傍綠谿微官何足
道愛客且相携惟有鄉園處依依望不迷

雞鳴臺

李行言

秦郊平舊險周德眷遺黎始聞清夜柝俄見落封泥物色
來無限津途去不迷空亭誰問馬關戍但鳴雞山月寒彌
淨河風曉更凄贈言楊伯起非復是關西

潼關吏

安祿山兵北哥舒翰請堅守潼關明皇聽楊國忠言力趣出兵翰撫膺慟哭而出兵至靈寶潰關遂失守

杜甫

士卒何草草築城潼關道大城鐵不如小城萬丈餘借問
潼關吏修關還脩胡要我下馬行爲我指山隅連雲列戰
格飛鳥不能踰胡來但自守豈復憂西都丈人視要處窄
狹容單車艱難舊長戟萬戶用一夫哀哉桃林戰百萬化
爲魚請囑防關將慎無學哥舒

過宋員外之問舊莊

宋公舊池館零落守

一作首

陽阿枉道祇從入吟詩許更過

淹留問耆老寂寞向山河更識將軍樹悲風日暮多

寄彭州高三十五使君適虢州岑二十七長史參三

靈寶縣志

卷之八

藝文下 詩

九

十韻

前人

故人何寂寞今我獨淒涼老去才難盡秋來興甚長物情
尤可見辭客未能忘海內知名士雲端各異方高岑殊緩
步沈鮑得同行意愜關飛動篇終接混茫舉天悲富駱近
代惜盧王似爾官仍貴前賢命可傷諸侯非棄擲半刺已
翱翔詩好幾時見書成無信將男兒行處是客子鬪身強
羈旅推賢聖沈綿抵咎殃三年猶瘧疾一鬼不銷亡隔日
搜脂髓增寒抱雪霜徒然潛隙地有覩屢鮮妝何太龍鍾
極於今出處妨無錢居帝里盡室在邊疆劉表雖遺恨龐

公至死藏心微傍魚鳥肉瘦怯豺狼隴草蕭蕭白洮雲片
片黃彭門劍閣外虢畧鼎湖旁荆玉簪頭冷巴箋染翰光
烏麻蒸續曬丹橘露應嘗豈異神仙宅俱兼山水鄉竹齋
燒藥竈花嶼讀書牀更得清新否遙知對屬忙舊官甯改
漢醕俗本歸唐濟世宜公等安貧亦士常蚩尤終戮辱胡
羯漫猖狂曾待祆氛靜論文暫裹糧

黃河二首

前人

黃河北岸海西軍椎鼓鳴鐘天下聞鐵馬長鳴不知數胡
人高鼻動成羣

靈寶縣志

卷之八

藝文下

詩

十

黃河西岸是吾蜀欲須供給家無粟願驅衆庶戴君王混
一車書棄金玉

寄贈虢州張參軍

韓翃

三十事諸侯賢豪冠北州桃花迎駿馬蘇合染輕裘觀妓
將軍第題詩關尹樓青林朝送客綠嶼晚回舟好粟分通
子名香贈莫愁洗杯新酒熟把燭故人留百雉歸雲過千
峯宿雨收蒹葭露下晚菡萏水中秋憶昨陪行樂常時接
獻酬佳期雖霧散惠問亦川流開卷醒堪解含毫思苦抽
無因達情意西望日悠悠

題玉真觀李秘書院

韓翃

白雲斜日影深松玉宇瑤壇知幾重把酒題詩人散後華陽洞裏有疎鐘

赴虢州留別故人

盧綸

世故相逢各未閑百年多在別離間昨夜秋風今夜雨不知何處入空山

虢州逢侯釗同尋南觀音贈別

時居停務

盧綸

相見翻惆悵應憐責廢官過深慚祿在識淺賴刑寬獨失耕農業同思弟姪歡哀貧羞客過卑束會君難放鶴登雲

靈寶縣志

卷之八

藝文下 詩

十一

壁澆花遶石壇興還江海上跡在是非端林密風聲細山高雨色寒悠然此中別賓僕倚闌干

題楊虢縣竹亭

前人

夜宿密公室話餘將晝興遶堦三徑雪當戶一池冰家訓資風化心源隱政能明朝復何見萊草古溝塋

關口逢徐邁

廢寺連荒壘那知見子真關城夜有雪冰渡曉無人酒裏唯多病山中願作鄰常聞兄弟樂誰肯信家貧

宏農公以碩德偉材屈於誣枉

宏農公楊馮也為御史李夷甫所彈

左官

三歲復爲大僚天監昭明人心感悅宗元竄伏湘浦
拜賀末由謹獻詩五十韻以畢微志 柳宗元

知命儒爲貴時中聖所臧處心齊寵辱遇物任行藏關識
新安地封傳臨晉鄉挺生推豹蔚遐步仰龍驤幹有千尋
竦精聞百鍊鋼茂功期舜禹高韻狀羲黃足逸詩書圃鋒
搖翰墨場雅歌張仲德頌祝魯侯昌憲府初騰價神州轉
耀鉉右言盈簡策左轄脩條網響切晨趨佩煙濃近侍香
司儀六禮洽論將七兵揚合樂來儀鳳尊祠重餼羊卿材
優柱石公器擅巖廊峻節臨衡嶠和風滿豫章人歸父母

靈寶縣志

卷之八

藝文下 詩

十三

育郡得股肱良細故誰留念煩言肯過防璧非真盜客金
有誤持郎龜虎休前寄貂蟬冠舊行訓行方命呂理劇復
推張直用明銷惡還將道勝剛敬逾齊國社恩比召南棠
希怨猶逢怒多容競忤彊火炎侵琬口鷹擊謬鸞凰刻木
終難對焚芝未改芳遠遷逾桂嶺中徙滯餘杭顧士雖懷
趙知天詎畏匡論嫌齊物誕騷愛遠遊傷麗澤周羣品重
明照萬方斗間收紫氣臺上挂清光福爲深仁集妖從盛
德禳秦民啼吠畝周士舞康莊采綬還垂艾華簪更截防
高居遷鼎邑遙傳好書王碧樹環金谷丹霞映上陽留歡

唱容與要醉對清涼故友仍同里常僚每合堂淵龍過許
劬冰鯉弔王祥玉漏天門靜銅駝御路荒澗灑秋瀲灩嵩
少暮微茫遵渚徒云樂冲天自不遑降神終入輔種德會
明敷獨棄儉人國難窺夫子牆通家殊孔李舊好卽潘楊
世議排張摯時情弃仲翔不言縲繼枉徒恨縵徽長賈賦
愁單闕鄒書怯大梁炯心那自是昭世懶佯狂鳴玉機全
息懷沙事不忘戀恩何敢死垂淚對青湘

寄楊虢州與之舊姻

劉禹錫

避地江湖知幾春今來本郡擁朱輪阮郎無復里中舊楊

靈寶縣志

卷之八

藝文下 詩

三

僕却爲關外人各繫一官難命駕每懷前好易沾巾玉城
山裏多靈藥擺落功名且養神

述舊賀遷寄陝虢孫常侍

南宮左輔
兩處交代

劉禹錫

南宮幸襲芝蘭後左輔曾交印綬來多病未離清洛苑新
恩已歷望仙臺關頭古塞桃林靜城下長河竹箭回聞說
隨車有零雨此時偏動子荆才

酬楊侍郎憑見寄

前人

翔鸞闕底謝皇恩纓上滄浪舊水痕踈傳揮金忽相憶遠
擊長句與招魂

答楊八敬之絕句

楊時亦謫居

前人

飽霜孤竹聲偏切帶火焦桐韻本悲今日知音一留聽是君心事不平時

酬楊八副使將赴湖南途中見寄一絕

前人

知逐征南冠楚材遠勞書信到陽臺明朝若上君山上一道巴江自此來

題號州三堂贈吳郎中

賈島

無窮草樹昔誰栽新起臨湖白石臺半岸泥沙孤鶴立三

靈寶縣志

卷之八

藝文下 詩

古

堂風雨四門開荷翻團露驚秋近柳轉斜陽過水來昨夜北樓堪朗詠號城初鎖月裴回

函谷關

汪遵

脫禍東奔壯氣摧馬如飛電轂如雷當時若不聽彈鋏那得關門半夜開

古函谷

皮日休

破落古關城猶能扼帝京今朝行過客不待曉鷄鳴

西上經靈寶觀

自註觀即尹真人舊宅

孟郊

道士無白髮語音靈泉清青松多壽色白石恒夜明放步

霽霞起振衣華風生真文秘中頂寶氣浮四楹一片古關
路萬里今人行上仙不可見驅策徒西征

泛黃河

孟郊

誰開崑崙源流出混沌河積雨飛作風驚龍噴爲波湘瑟
颼颼弦越賓鳴咽歌有恨不可洗虛此來經過

出城寄權璩楊敬之

李賀

草暖雲昏萬里春宮花拂面送行人自言漢劍當飛去何
事還車載病身

函谷關

胡宿

靈寶縣志

卷之八

藝文下

詩

五

天開函谷壯關中萬古驚塵向北空望氣竟能知老子棄
繻何不識終童謾持白馬先生論未抵鳴鷄下客功符命
已歸如掌地一丸曾誤隗生東

三堂二十一咏

韓愈

湖上新亭好公來日出初水文浮枕簟瓦影蔭龜魚
右新亭

汨汨幾時休從春復到秋只言池未滿池滿強交流

右流水

竹洞何年有公初斫竹開洞門無鎖鑰俗客不曾來

右竹洞

南館城陰瀾東湖水氣多直須臺上看始奈月明何

右月臺

自有人知處那無步往雖莫教安四壁面面看芙蓉

右渚亭

鶯鶯谿流慢稍稍岸篠長穿沙碧簾淨落水紫苞香

右竹谿

聞說遊湖棹尋常到此迴應留醒心處準擬醉時來

右北湖

靈寶縣志

卷之八

藝文下 詩

六

蜂蝶去紛紛香風隔岸聞欲知花島處水上覓紅雲

右花島

柳樹誰人種行行夾岸高莫將條繫纜著處有蟬號

右柳谿

新月迎宵挂晴雲到曉留爲遮西望眼終是懶回頭

右西山

無塵從不掃有鳥莫令彈若要添風月應除數百竿

右竹徑

風雨秋池上高荷蓋水繁未諳鳴撼撼那似卷翻翻

右荷池

星布畦堪數枝分水莫尋魚肥知已秀鶴沒覺初深

右稻畦

柳巷還飛絮春餘幾許時吏人休報事公作送春詩

右柳巷

原上花初發公應日日來丁甯紅與紫慎莫一時開

右花源

郡樓乘曉上盡日不能迴晚色將秋至長風送月來

右北樓

靈寶縣志

卷之八

藝文下

詩

七

非鑄復非鎔泓澄忽此逢魚蝦不用避只是照蛟龍

右鏡潭

朝遊孤嶼南暮戲孤嶼北所以孤嶼鳥與公盡相識

右孤嶼

非閣復非船可居兼可過君欲問方橋方橋如此作

右方橋

乍似上青冥初疑躡菡萏自無飛仙骨欲度何由敢

右梯橋

寒池月下明新月池邊曲若不妬青研卻成相映燭

右月池

桃林夜賀晉公

韓愈

西來騎火照山紅
夜宿桃林臘月中
手把命珪兼相印
一時重疊賞元功

函谷關

胡曾

寂寞函谷鎖未開
田文車馬出秦來
朱門不養三千客
誰為鷄鳴得放回

靈寶縣西側津

吳融

碧溪潏潏流殘陽
晴沙兩兩眠鴛鴦
柳花無賴若多暇
蛟

靈寶縣志

卷之八

藝文下 詩

六

蝶有情長自忙
千里宦遊成底事
每年風景是他鄉
高歌一曲垂鞭去
盡日無人識楚狂

虢州澗東村居作

韋莊

東南騎馬出郊坰
迴首寒烟隔郡城
清澗漲時翹鷺喜
綠桑疎處哺牛鳴
兒童見少生於客
奴僕驕多倨似兄
試整家田還自適
滿畦秋水稻苗平

尹喜宅

前人

荒原秋殿柏蕭蕭
何代風烟占寂寥
紫氣已隨仙仗去
白雲空向帝鄉消
濛濛暮雨春鷄唱
漠漠寒蕪雪兔跳
欲問

靈蹤無處所十洲空闊閩山遙

三堂東湖作

前人

滿塘秋水碧泓澄十畝菱花晚鏡清景動新橋橫蝓蝻岸
鋪芳草睡鵝鵲蟾投夜魄當湖落嶽倒秋蓮入浪生何處
最添詩客興黃昏煙雨亂蛙聲

冬日長安感志寄獻虢州崔郎中二十韻

前人

帝里無城久滯淹別家三度見新蟾却誥丹桂無人指阮
藉青襟有淚霑溪上卻思雲滿屋鏡中惟怕雪生髯病如

靈寶縣志

卷之八

藝文下

詩

九

原憲誰能療蹇是劉禎豈用占露雨十年同隱遁風雷何
日振沈潛吁嗟每被更聲引歌咏還因酒思添客舍止甘
愁寂寂郡樓遙想醉慷慨已聞鈴閣懸新詔卽向綸闈副
具瞻濟物便同川上楫慰心還似邑中黔觀星始覺中郎
貴問俗方知太守廉宅後綠波棲畫鷁馬前紅袖簇丹襜
閑招好客斟香蟻悶對瓊花詠散鹽積凍慢封寒雷細暮
雲高拔遠峯尖訟堂無事冰生印水謝高唵月透簾松下
圍棋期褚胤筆頭飛箭薦陶謙未知匣劍何時躍但恐鉛
刀不再銛雖有遠心長擁篲恥將新劍學苦編纜驚素節

移銅律又見元冥變玉籤百口似萍依廣岸一身如燕變
高簷如今正困風波力更向人中問宋織

三堂早春

前人

獨倚危樓四望遙杏花春陌馬聲驕池邊冰刃暖初落山
上雪稜寒未銷溪送綠波穿郡宅日移紅影度村橋主人
年少多情味笑換金龜解珥貂

關下

崔道融

百二山河壯帝畿關門何事更開遲應從漏卻田文後每
度聞鷄不免疑

靈寶縣志

卷之八

藝文下 詩

三

得體歌

天寶初韋堅為陝郡太守水陸轉運使於長
安城東澹水傍穿廣運潭以通吳會數十郡
舟楫若廣陵郡船即堆積廣陵所出錦鏡銅
器餘郡皆然舟人大笠寬衫芒履如吳楚之
製先是民間戲唱得體歌至開元末田同秀
上言元元皇帝云有寶符在陝桃林縣古關
令尹喜宅遣中使求得之以為殊祥改縣為
靈寶及堅鑿新潭成又致揚州銅器陝縣尉
崔成甫乃翻具詞為得寶歌集兩縣官妓女
子唱之成甫又作歌詞十章自衣缺袴綠衫
錦半臂偏袒膊紅抹額於第一船作號頭唱
之和者女子百人皆鮮服靚妝齊聲接影鼓
笛胡部以應之明皇
臨觀大悅下詔褒賞

得

丁絃體都重
反

絃那也囊得體那潭裏船車關揚州銅器

多三郎當殿坐聽唱得體歌

得寶歌

開元末宏農古函谷關得寶符因改元為天寶其符白石赤文正成桑字解者云四十八以示御歷之數及帝幸蜀之來歲正四十八年得寶之時天下歌之云云

得寶耶宏農耶宏農耶得寶耶

出關路

白居易

山川函谷路塵土遊子顏蕭條去國意秋風生故函

社日關路作

前人

晚景函谷路涼風社日天青巖新有燕紅樹欲無蟬愁立
驛樓上厭行官堠前蕭條秋興苦漸近二毛年

錢號州以三堂絕句見寄因以本韻和之

靈寶縣志

卷之八

藝文下 詩

三

前人

同事空王歲月深相思遠寄定中吟遙知清淨中和化祇

用金剛三昧心

予早歲與錢君同習讀金剛三昧經故云

曉過函谷關

李涉

因韓爲趙兩游秦十月冰霜渡孟津縱使鷄鳴遇關吏不
知余也是何人

題畫山水

楊汝士

太華峯前是故鄉路人遙指讀書堂如今老大騎官馬羞
向關西道姓楊

春日言懷寄虢州李常侍十韻

杜牧

岸蘚生紅藥巖泉漲碧塘地分蓮嶽秀草接鼎原芳雨派
滾滌急風畦芷若香織蓬眠舴艋驚夢起鴛鴦論吐開冰
室詩陳曝錦張貂簪荆玉潤丹穴鳳毛光子弟新登科甲今日還
株守何年執戟郎且嫌遊晷短莫問積薪長無計披清裁
唯持祝壽觴願公如衛武百歲尙康強

任宏農尉獻州刺史乞假還京

李商隱

黃昏封印點刑徒愧負荆山入座隅卻羨卞和雙別足一
生無復沒階趨

靈寶縣志

卷之八

藝文下

詩

三

送錢給事赴虢州

劉得仁

帝心憂虢俗暫輟掖垣臣疲瘵初承制鄉閭似得春化成
應有瑞位重轉聞貧用作鹽梅日爭迴臥轍人

虢州獻楊抑

一作大

卿二首

姚鵠

蓋世英華更有誰賦成傳寫遍坤維名科累重求賢日苦
節高標守郡時樓上叫雲秋鼓角林間宿鶴夜旌旗徵歸
詔下應非久德望人情在鳳池

碧山會共惜分陰暗學相如賦上林到此敢逾千里恨歸
家且遂十年心疎愚祇怯膺門險淺薄爭窺孔室深一願

儻憐持苦節更令何處問升沈

函谷關

宋汪元量

西風吹我度函關古壑泉聲靜自閑老子騎牛沙上去仙人化鶴苑中還斷崖水脫懸殘日絕域雲橫失好山舊說度關朱履客一聲鷄唱翠微間

河邊曉望

司馬光

高浪崩奔捲白沙悠悠極望入天涯誰能脫落塵中意乘興東遊坐石槎

函關

金辛愿

靈寶縣志

卷之八

藝文下 詩

三

雙峯高聳大河旁自古函關一戰場紫氣久無傳道叟黃塵那有棄繻郎烟迷輕草秋還綠露浥寒花晚更香共說河山雄百二不堪屈指算興亡

黃河澄清

明世宗御製

丁亥季冬十有六日河南之省靈寶之邑黃河澄清拖練湛璧越之四辰官占叶吉縣吏來報戊子之春乃命禮曹詳考其因宗伯獻夫述奏以申謂禮宜賀率屬表陳予慚弗允益勵恭寅請謝河伯朕許曰然既而復思斯本自天

遡源徂流禮有後先遣官馳往秉其精專甲申告吉露拜
成虔祀禮已成仰賀蒼乾帝垂鑒歆稽首拳拳永懷庇眷
勉進德焉旣而羣臣舞拜致賀余心甚愧稱之太過二三
輔臣作歌以頌錄以來呈其詞雍雍忠誠且悉心德協一
尚賴匡弼勿或墮逸蒙帝錫瑞四海甯謐德進業修罔敢
自失天道當欽祖憲遵悉是訓是行恐恐慄慄政務惟善
民困惟恤唐虞之盛吾欲與匹

東厓

明許進 邑人

天肇靈山自幾年龍翔虎伏巧相聯脈蟠震地含清淑秀

靈寶縣志

卷之八

藝文下 詩

十四

對黌宮啓俊賢鬱氣溟濛春雨密回岡翠嶽晚霞鮮投閑
又得東厓勝相望終朝似有緣

黃河

同上

萬里黃河未有涯鼎湖東畔鏡光開春風解凍餘寒盡濁
浪搏花拍岸來畫舫依依歸遠浦轟雷隱隱到空齋臨流
莫羨乘槎者神麗飄然極九垓

禹王廟

同上

慨昔唐初昏墊中民居無地參蛇龍當時原自行無事後
世於今仰聖功寰宇有形水土奠乾坤不盡廟祠崇閑來

弔古龜原上樹掩窮碑野草豐

老子故宅

同上

桃林北去大河濱故宅依依晝掩塵令尹詎能知異兆至
言緣欲授斯人青牛關上征騾度紫氣天邊暮靄勻仙轍
千年無覓處遺編祇好伴閑身

宏農澗

同上

澗號宏農世累遷水聲汨汨自當年涼霄月午書窗靜清
晝門扃篆縷旋亂入松風咆虎豹細兼竹雨響笙弦閑愁
都付潺湲去清徹靈臺興欲翩

靈寶縣志

卷之八

藝文下

詩

三

泮池

許誥

活水源頭何處是伊川東去此西來元精已會天成器盛
世豈無間出才萬里雲霄鯤變化九天風雨浪奔頽澄瀾
未許塵眸看欲覓濂溪藕節栽

老子故宅九日感事

二首

許論

宋玉愁多不耐秋興來扶病強登樓襟披函谷三秦勝目
豁黃河萬里流動業難憑駒過隙文章無用雪蒙頭西風
好認參軍帽我是平生馬少游

九日河干載酒行主人意重客心傾蒼波望極孤帆杳白

鳥飛來雙眼明物外季真難適俗飲中元亮不耽名茱萸
插處偏多感怪底都稱太瘦生

女郎山

許論

差我高聳女郎山峭壁危峯不可攀晴日晚霞林影翠只
宜寫在畫圖間

峴山

同上

嵐光滴翠滿吟鞭况是西南雨霽天笑指綠苔千萬點此
時要分買山錢

講書堂

同上

靈寶縣志

卷之八

藝文下 詩

美

碧玉巖前是故鄉路傍遙指講書堂今來帶劍騎征馬羞
向關中道姓楊

仙人石

同上

坐看南山景物妍遙看舉目翠峯顛傍巖白石如人立疑
是當年採藥仙

轆轤關

同上

山路崎嶇類井陘車難方軌馬難行一夫拒守能堅壁羣
寇何由得進兵

斷密澗

同上

李密英雄笑霸王刑公山下疊尸亡古來自有真良將難得忠臣似借當

楊駿塚

同上

楊氏功名載晉唐男爲卿相女椒房一門貴顯今何在高塚巍巍表故鄉

七夕登猶龍閣

荆時薦

獨上高樓望次寥江寒月冷罷吹簫天連伊闕山還斷雲隔巴林鶴自遙夜靜流螢分羽扇水沉蓮露轉星杓湘潭只共銀河遠便借仙人烏鵲橋

靈寶縣志

卷之八

藝文下 詩

七

望氣臺

陳棐

至人原自識仙風瑞靄丹霞遠鬱葱靈跡纔辭周柱下祥氛已入古關中不從紫氣臺端候何得青華觀裏逢欲訪乘牛求寶籙願隨鶴駕遍瑤空

女郎山

彭範

萬丈丹崖上女郎仰尋石徑路茫茫平瞻華嶽三峯近俯視洪流一線長虎嘯陰風昏白晝馬嘶落日暗紅光壯遊始踐十年約欲向山靈問雨暘

老子故宅

謝江

明給事中

地開層閣倚空寥
秋日登臨爽氣饒
危棟影移蓮岳近
懸珠光射海雲搖
鳳輦過雙童引羽
節霞翻列聖朝
凭覽誤疑人世外
興來欲訪赤城標

太白星傍飛紫閣
洛陽羈客屢登遊
平觀青嶂窗前擁
倒聽黃河檻外流
細管疑從天畔落
五雲偏向藥宮浮
還丹妙訣人難遇
悵望函關有跨牛

函谷關

賀賁

函谷關前一徑通
行人多少自西東
當年秦法嚴如火
夜半狐裘入禁宮

靈寶縣志

卷之八

藝文下

詩

三

育賢泉

王子謙

九歲童子

一脈源從天上來
偶分三眼象三台
清流不入濁流派
獨遶鬢宮育大才

登老君原觀後閣

呂天益

飛閣凌空四望開
登臨永日獨徘徊
峯高下見黃河盡
天闊遙看紫氣來
遠樹蒼茫生極浦
寒雲蕭瑟鎖荒臺
關門令尹知何處
愁聽孤城畫角哀

函谷關

前人

樓堞連天起風塵
接塞多關門臨碧澗

下臨宏農澗

山勢走黃

河望氣空千載封泥竟若何祇今同軌日午夜任經過

靈寶咏古

劉咸

河南僉事

女郎屹立佛頭青蘆澗桃林四望平河北有書傳虎渡關
中無客聽鷄鳴講書堂對樂巴墓望氣臺臨項羽城最惜
龍逢遊地下至今青史播休聲

瞻紫樓

劉咸

昔人已乘青牛去海闊天高幾昏曙空餘百尺望氣臺至
今猶在經行處傳流當年函谷關常有紫氣來其間世人
俗眼不能識往往輕視如等閑惟有關門令尹喜自言當

靈寶縣志

卷之八

藝文下 詩

无

得異人至築臺望望未多時果遇東周柱下史從容授以
道德經五千奇文皆至精飄然拂衣不肯住移車又向川
西行川西迢迢路修阻喜卽辭官遠趨赴青華觀裏忽相
逢一笑呼名宛如故此地傳道實所宜如何又向終南期
遂令喜也雙倦足終歲碌碌無甯時青牛老人去不返寂
歷荒臺猶在眼登高披基考遺蹤落日亭亭正春晚

鷄鳴臺

劉咸

七國雌雄未分日嬴秦自恃強無敵一朝相得孟嘗君委
任傾心絕嫌隙如何忽信讒言欺立命下囚將殺之智士

困窮計無出只應求解王幸姬幸姬所用惟巾櫛何事亦
愛狐裘白先時已入秦藏中於今欲求甯再得堂中養士
三千人豈無一人能致身中有善爲狗盜者從容竊出如
有神遂將此物爲姬獻始得一言緩厥譴放歸實出望外
恩尤恐後難弗得免急騎駿馬從東還兼程一夕至函關
關法鷄鳴方出客寸心輾轉難爲安就中又有奇謀士解
作鷄鳴宛相似野外鷄聞亦亂鳴關門乍起道兵至孟嘗
脫身出虎狼還齊猶自心不忘殷勤欲計向時事築台特
向關之傍人間俯仰成今昔豪華轉眼皆陳跡人去台空
靈寶縣志

卷之八

藝文下 詩

三

亦可憐歲歲東風土花碧

泮池

失名

宏農古治隸天中河洛淵源文字雄
峩峩聖廟東南立千尋松檜倚高風
清風冉冉拂松檜拱珪環壁宮墻外
城南半畝半池開波光動宕鳴天籟
不知此泉鑿何年取象三台名有賢
前賢擬作洙泗水後令栽培君子蓮
灼灼芙蓉香襲體養成三尺龍門鯉
紅花白花爛中央小魚大魚遊池底
已看芹藻映清波又見垂楊覆芰荷
論文恍似鵝湖敞講席宏開絳帳多
君不見甘泉宮外遊麋鹿此泉千載

温如玉風水相遭起漣漪文武聯翩標科目接踵英英騰
捷足爲鳳爲麟從可卜

夏日過雲林寺

許茂枋

碧天無雲色永日增炎燠杖策拂塵襟偶適南山麓
映壑陰蒼松綠墻出新竹深林聞清梵隱隱見茅屋
初疑無路入攀蘿隨樵牧逶迤盤磴道谷轉通前隩
庭宇散香煙澹然如新沐僧持貝葉經擁衲高聲讀
自憐塵俗顏日月幾馳逐感此娛悅心永欲絕煩蹙

昆羅寺

苟汝安

靈寶縣志

卷之八

藝文下 詩

三

招提卜幽谷岑寂少人跡日上山鳥鳴春暮巖花碧
農田犁輕雲僧房結澗石坐此豁塵緣何當久棲息

函谷

許 侂

邑人知府

雍豫襟喉地往來入貢衢關門臨野障河勢抱城孤
層漢青牛杳荒臺紫氣紆南山葱鬱處似可避形軀

號野

許 侂

一病憐秋晚頻遊借短筇寒烟廣野樹暮雨上方鐘
詩興吾將老酒懷誰更濃留連惜光景俯仰但塵蹤

喜雨

劉 穆

太常少卿

桃林戊子春久旱氣炎熇大風揚塵沙空陣兼暍日我來
祀瀆宗奉 命極清肅竣事欲啟行興雲彌川谷頃刻雨
濤霏豈惟日霖霖焦土成沃田萬井俱霑足三農交稱慶
早見艾種穉我亦笑顏開不惜留信宿河清徵太平豐年
茲可卜

和劉僉事靈寶咏古原韻

曹璉 河南僉事

停驂遠眺峴山青萬頃桃林一掌平望氣有臺惟兔跡講
書無院祇蛙鳴萋萋碧草龍逢塚漠漠寒烟魏仲城最是
女郎仙隱處蕭蕭古木送蟬聲

靈寶縣志

卷之八

藝文下

詩

三

關龍逢墓

張漢

身死忠名見從公初未曾亡羞偕夏日諫敢惕春冰西陝
餘抔土南荒共舊陵黃圖灰燼後風雨夜燐增

夜過函谷

張漢

山深雲暗徑尤低夜半人歸信馬蹄不是關門無戍守此
行那會學鳴雞

稠桑驛

國朝 王士禎

春蘭秋菊不同芳舊恨新愁爾許長應是三生緣未了又
呼妙子到稠桑

老子故宅

前人

比邨東望冢纍纍上有元元古廟基莫以荒唐笑仙李漢家先奉濯龍祠

泮池

梁儒 邑令

泮池池畔草菲菲內湧珠泉遶泮闌三眼中分朝聖闕一流西轉抱河磯紛紛亂迸珊瑚樹泛泛齊噴瓊玉璣尺水興波雷雨震潛龍應起傍天飛

朱陽故城

同上

郎山聳翠靄雲巔古栢森森漢廟前華葢風搖籥碎日濃

靈寶縣志

卷之八

藝文下

詩

三三

陰澗覆冷流泉龍筋旋遶經霜茂鶴骨翩翩帶露鮮怪道長春渾不老蒼蒼鱗甲度年年

御題寺

同上

御寺森森倚日雄爐烟靄靄梵王宮風飄葢舞翻雲白雨逐花飛落井紅禪室幽香靈宇接峯巒聳翠慧門通欲知寶刹天開日碣上留詩頌德宗

李門三烈

同上

柔腸割斷植綱常羞見狂氛暗自傷沒後猶思掩玉體生前忍教點衣裳貞心慘淡三更淚烈節悽其六月霜共燦

一門留史册九泉枯骨至今香

邑侯蠲荒政成感賦

陳主策

邑理藩院院判

邑界西南灌莽多新來召父意如何鄧林靄沛桃林雨湘水恩流洛水波數紙風雲經部豁萬家烟火復巖阿慚余匏繫江干上也附征鴻矢好歌

蠲荒復業作長歌詔其事

卯顯極

漢陽才子氣如龍英英經濟有父風拜命桃林來作宰出治不與尋常同憶昔桃林民力竭三年逋賦完不得草長尺土無人耕處處門墻題賣帖有子驅犢質征錢石壕夜

靈寶縣志

卷之八

藝文下 詩

三

半呼門前欲完國稅應無計拋棄城南二頃田携家黑夜適他邑仍擗親戚征賦入排空賠累是何糧糧完大戶重足立早破民間幾千家沃土自售無人賒還存殘喘守邱壠猶望西成滿篝車更苦清丈無兼併鞭笞怒罵輕人命原徵已賦又重徵士氣亦教從此病懸來拋書相向愁難禁額外有誅求惟期得緩須與死不惜他鄉委壑溝天生人才爲世出一片仁慈誰能識堂上徵收發慘容往往對客長太息太息父老多哀鳴云與荒田同死生公聞此言痛民隱策馬戴星過洛城當事嘉公爲公原不惜

諫草入金門憂時危論守土責事亟何能遽邀恩此際雄心應凋喪 公也慷慨神益王往復不憚乞封章封章更許補牘上仰天搔首望幾旬忽爾雲邊下

恩綸蠲租自是

朝廷惠軫恤還賴 使君仁歡呼市井齊置酒拊掌驚喜得未有事成方識司牧心四十年來成不朽我聞漢家吏治何多良 公績端不讓龔黃尸祝之像戴德石號水不及愛慕長昔也民不念邦族今日何緣歸舊屋已聞有

詔除荒糧肯向他人屋下宿羣呼結伴復歸來未賣田宅今

靈寶縣志

卷之八

藝文下

詩

三

重開况有官家給牛種耕牛幾具闢蒿萊去家十載頭已白淒涼閱盡饑寒厄俄看春燕巢故梁又見嘉種生南陌美哉今之桃林成名疆十步五步皆康莊舊日骨肉會一堂相將共蔭召伯棠

號州古城

卯顯極

離離禾黍故城秋敗堞殘祠枕碧流岳武金戈沉北號岐王賓客散西樓開方舊驛曾埋草湖上新亭半作洲惟有秦山明月在紅亭綠水共誰遊

問淇亭

卯顯極

小築淇亭秋暮時萬竿綠竹最相宜鳴琴嬾嬾窓前月直
節菁菁堵下枝勝地欲留千載賞寶筵還讀數章詩髦年
淇水人如在退食從容一問之

和韻

楊州杰

琴堂退食晚涼時徧植新篁與地宜晶舍團團留月影雕
欄曲曲映花枝山公林裏曾携酒衛武筵中只頌詩淇水
清風高百代吟成素壁欲揮之

陪

邑侯踏勘荒田感賦

卯顯極

數盡洛西苦淒涼古魏州呼天依父母何日樂田疇草色

靈寶縣志

卷之八

藝文下

詩

三

全欺麥風聲半認秋惟餘憔悴景泣對富民侯

前題

楊州杰

草宅疑無地流民賴有圖人亡還入籍土闢卻懸租但得
一分減不教積歲逋回天今有力切莫厭萊蕪

過仙令尹喜宅懷古

楊州杰

莓苔滿徑燕還飛得叩仙關是息機丹洞東山留石磬白
雲北閣護松扉騎牛人去遺經在題壁詩殘故老稀自采
溪毛作茶供道人穩卧舊荷衣

轆轤關

邑令

霍濬遠

古戍連烽火殘關何處家爭雄嚴虎豹攬勝問桑麻路迥
雲垂草山深雪覆沙野梅燒不盡春到發新花

峴山

霍濬遠

春風吹草峴山香草自青青風自長但使人如羊太傅何
須墮淚認襄陽

雙虹橋

霍濬遠

函谷關前起朔風宏農古澗水淙淙河冰拍岸舟難渡雪
浪崩沙馬未通野店砧聲催九月板橋人影亂雙虹成梁
有令占龍角莫使嚴寒客路窮

靈寶縣志

卷之八

藝文下

詩

七

女郎山

同上

層巒步蹠叩仙名仄路人從天半行黯淡翠微開曙色迷
離紫霧鎖春晴小橋管井松枝古別剎荒蘿野寺明最是
靈泉一勺水年年吹雨潤蒼生

號州古城

同上

風度函關掃碧秋寒泉日夜爲誰流三堂遺蹟留衰草二
號殘碑勒戍樓林外烟雲迷古道村中燈火遍芳洲那堪
月落孤城冷野寺疎鐘怯夢遊

朱陽故城

同上

長河沙徑馬蹄輕古戍陰陰野鳥鳴赤縣久墟餘舊壘遺
民還聚住荒城雲邊路遶秦山色樹裏河流洛水聲行過
柴關頻問俗新詩片石漫題名

漢栢

同上

鴻溝一割自西東龍準丰儀百代雄豐沛酒旗傳故里未
央花影認遺宮雲凝鴟吻疑真氣聲入虬枝憶大風赤帝
從來多豁達應知泉下慰重瞳

函谷關

同上

魏關屹立大河通把酒凭欄四望空紫氣無踪虛夜月金
靈寶縣志

卷之八

藝文下 詩

三

雞有信度秋風雖云形勝三秦險何似衣冠萬國雄不用
泥丸封谷口鶴鳴山應韻和同

和韻

楊州杰 廩生

天開樓臺四面通重關勝槩倚長空潺湲澗咽秦時雨峭
塹城餘漢代風山勢北臨三晉險地形東控二陵雄客來
不用雞鳴度今日車書萬國同

登老君原觀後閣

呂謙恒

飛閣凌空四望開登臨永日獨徘徊峯高下見黃河盡天
闊遙看紫氣來遠樹蒼茫生極浦寒雲蕭瑟鎖荒臺關門

令尹知何處愁聽孤城畫角哀

李門三烈

張瑤芝

昧旦相期弋雁鳧驚聞中夜起鳴孤貞心誓守羅襦結玉
骨甘同智井枯含笑泉臺從姊姒傷心禱祿失嬰雛經過
荒草埋香處楓葉蕭蕭啼鷓鴣

女郎山

同上

千仞峯頭振佩聲青山從此托芳名深湫時護蛟龍氣空
翠遙連華嶽晴古梵毘羅依絕壑漢祠蒼栢挺餘榮捫碑
欲問盆中石風雨翛然出殿楹

靈寶縣志

卷之八

藝文下

詩

三

老子故宅

同上

聞道流沙馭不還猶龍舊窟尙依然五千寶字琅函裏百
二雄關傑閣前隔岸飛鳧分晉水遙空舞鶴破秦烟宦遊
亦許探靈跡惟有傳經愧昔賢

龍逢塚

同上

夏社難尋舊古邱直臣抔土自千秋黃圖已向君前毀白
骨誰從地下遊野徑莓苔封古碣破楹風雨近危樓拜瞻
遺塚懷忠讜彷彿鬚眉正氣浮

學宮

惠博

巍巍聖廟對城闔斗映甍飛次第新砌栢綠苔紋已古亭
碑丹篆字猶真諸生瞻拜威儀肅萬禩欽崇俎豆裡自是
文功能不朽會看桃李奪先春

函關懷古

周慶增

奧堂未固守藩籬深瑣重關亦枉爲莫怪遊人競巧渡白
裘先已出宮姬

宏農閒眺

楊浩

百里清流足溯洄宏農北下鏡光開仰垂紅葉山頭樹倒
挂碧標天際臺斜日洪波看畫錦高潭急響聽秋雷居人
更愛分餘潤西陌南阡次第來

靈寶縣志

卷之八

藝文下

詩

四

函關紫氣

同上

雄關便是芙蓉城柱史東來瑞色明道氣發揮成紫氣衆
生尊禮可長生尼山也並師襄席函谷尤深尹喜情仙籙
千年黃卷在丹鉛誰復剖菁英

桃林牧豎

王道暉

千古桃林自不磨於今仍聽牧童過出灣朝霽揚鞭穩歸
路斜陽弄笛多兩兩合成羣友隊聲聲齊唱太平歌維魚
入夢占年久紅雨春深掛綠簑

漢廟古栢

全上

赤帝祠邊古栢深，參天黛色自蕭森。
喬柯直繪英雄概，勁節那愁風雨侵。
廟貌至今多變易，蒼虬從古不淪沉。
世傳樹抄皆東向，疑是無忘鄉國心。

秦嶺雪樵

全上

俯視西秦翠嶽間，層巒積素似銀山。
未須粵嶠尋梅去，自有樵夫踏雪還。
霽後雲橫凝紫氣，月中寒擁渡藍關。
高人此際添吟興，一曲陽春和亦艱。

黃流晚釣

全上

靈寶縣志

卷之八

藝文下

詩

四

洪河浩瀚自天來，澎湃奔騰震九垓。
萬里龍門誰鼓浪，一竿魚餌泊山隈。
晚風水蹙鱗紋起，夕照波搖錦鯉回。
聖世只今虛左席，富春無復釣魚臺。

老子故宅

全上

瓊宮梵宇遍天涯，紫氣東來是故家。
河上傳經知過此，尼山問禮應停車。
森森翠栢連雲起，漠漠蒼苔映日斜。
千載靈符衍道脈，於今遺宅鎖烟霞。

龍逢古塚

全上

丹心碧血垂青史，浩氣忠魂貫日光。
不計千年存墓塚，祇

期一死悟君王枯楊落葉埋秋水斷碣寒鴉噪夕陽獨向
西風來展拜生芻未奠已神傷

函谷鷄鳴

全上

虎踞龍盤勢曲環宏農澗水自潺湲泥丸曾悞東封主偽
曉爭誇夜渡關老子書傳開道妙終童繻棄破天慳

聖朝無事疎譏察一任征人自往還

項城暮雨

全上

層巘高懸雲水邊項王遺跡未全湮干林醉影搖紅樹萬
壑寒光罩紫烟瀑布飛來風漸瀝石泉激處雨連綿可憐

靈寶縣志

卷之八

藝文下 詩

聖

漢楚爭雄地暮景凄其倍黯然

書院圖

許鵬扶

文峯秦嶺峻學海大河長白鹿欣重振巍巍起棟梁

渠道圖

同上

縱早甯愁雨潺湲笑穡夫於陵陳仲子抱甕不須圖

四境圖

同上

提封百里勝烟火萬家春

御榻題圖籍桃林此幅真

桃林收豎

同上

太華東陸河水涯碧桃爛熳柳參差山村笑語誰驅犢綠
野徜徉任牧兒橫笛一聲空谷曉臥簑幾處夕陽遲太平
圖像難描寫徒憶放牛歸馬時

漢廟古柏

同上

赤帝勲名在鼎鐘至今廟栢老虬龍颺颺風拂孤標迥
鬣雲環黛色濃雙幹何如司馬檜五株堪笑大夫松杜公
題詠顏公字欲勒貞珉記碧峯

秦嶺雪樵

同上

終南草樹入桃林樵子攀援雪後尋玉宇寒輕籠白日銀
靈寶縣志

卷之八

藝文下 詩

星

沙凍解見青岑爛柯爭覓仙人度負楚誰知太守心俯仰
空山饒樂事朔風吹處一微吟

黃流晚釣

同上

銀潢天上瀉洪流誰向閒宵理釣鈎半岸清風浮水面一
輪新月掛竿頭詎將密網供游泳聊任潛鱗自去留欸乃
歌聲何處是疑從五老泛舟遊

老子故宅

同上

古洞幽深依北郭危樓岌嶮上東原恍疑蓬島懸金榜還
意剡溪啟石門剛卯符誰傳異術飛龜秩務溯真源三元

全括五千字八藏何須億萬言

龍逢古塚

同上

肝膽空披死諫君黃河曲裏有孤墳未綿夏祚終餘恨但
隕微軀豈足云弔古三杯田橫酒誅芳一譜屈原文慎無
說壞天王聖知是忠魂不忍聞

函關鷄鳴

同上

河山百二控西秦谷口空傳古要津自聽鷄聲呼曉漏誰
夸虎穴脫強鄰朝昏不戒川原勝車馬常清道路塵卻羨
侯繻無復用關門閒殺掌晨人

靈寶縣志

卷之八

藝文下

詩

四

項城暮雨

同上

石泉霖霖下天晴父老為余指項城隆準入關先逐鹿重
矐扼險此連兵雲屯高占青山色鳥陣長依白練明殺氣
千年猶未解巉岩飛瀑雨縱橫

風雪寺

并序

大中丞西林

鄂容安

去歲冬暮風雪中過曲沃鎮小憩道傍墅寺茶香正
清松篁深閉殊得塵外趣寺無名因名風雪重過偶
題絕句時已己仲春望日也

墅寺幾經過春深又此行看花兼聽鳥風雪隔年情

老子故宅

邑拔貢 許春臺 生

大化猶龍不計年青牛一度偶停鞭
桃林紅撲簾初下門水綠搖窟正圓
經著關中存道德人遊河上遇神仙
行窩到處知何在西入流沙望杳然

龍逢古墓

前人

生前大節已空羣披得黃圖苦諫君
九鼎鑄金延夏祚一抔敷土表秋墳
南巢有恨餘荒草西邑無緣指落曛
他日相將遊地下誰留折檻記朱雲

桃林牧豎

前人

靈寶縣志

卷之八 藝文下 詩

聖

聞到桃林久放牛而今牧事尚堪求
紅蒸遠近飛霞爛綠染笠蓑逼水流
幾曲田歌雜暮笛一鞭花影繞平疇
武陵漁子如相遇錯認仙源欲汎舟

秦嶺雪樵

前人

釣罷寒江雪未消旋疑谷口又逢樵
數家村隔深深徑六出花迷短短橋
晚擔挑殘雲冷淡空山踏碎路瓊瑤
林間霽色明如此獨下重巖未許招

項城暮雨

前人

暮色溟濛作雨看懸厓玉虹頓生瀾
青雲簇擁斜陽下素

練橫拖峻嶺蟠鬪力漫矜山可拔銷聲爭耐水猶寒千秋
一泄重瞳恨長此瀟瀟夜未闌

漢廟古栢

前人

閒攜竹杖陟層巒漢帝祠前聳大觀故國漫留楓蔚蔚空
山不剪栢丸丸柯條東向長安遠車駕西歸沛邑殘羞與
秦松爭歲月龍葱黛色滿巖端

函關鷄鳴

前人

險絕秦家百二關行人誰唱大刀鏗地連鶉首天垂象客
數鷄鳴士赧顏一帶河流聲淼淼三更月落影閒閒於今
靈寶縣志

卷之八

藝文下 詩

吳

鎖鑰巖疆重無復田文策馬還

黃流晚釣

前人

夕陽西下水東流有客垂綸最上頭孤艇不妨衝浪去一
竿端爲釣鼇留漁村隔岸橫斜日歌板當門唱晚秋數點
蘆花魚尺半歸來新月又如鈎

漢廟翠栢

前人

山光髣髴指砮礪古栢森森翠黛長借問漢家誰得似武
侯他日有祠堂

項城暮雨

前人

鴻溝一割不堪論
城下兵臨劇斷魂
叱咤風雲都變色
至今暮雨黯山村

宏農晚釣

前人

河流淼渺日光殘
半世生涯托釣竿
但使客星臨帝座
桐江休說子陵灘

靈寶縣志

卷之八

藝文下

詩

七

賦

函谷關賦

晉江統

登彼函谷爰覽邱陵地險逶迤山岡相承深壑累降修依
重升下杳冥而幽曖上穹崇而高興帶以河洛重以崤阻
經畧封畿因固設險異服則訶奇言必檢消姦宄於未芽
殿邪僞於萌漸及文仲之斯廢乃建仁而受貶聖王制典
蓋以防淫萬里順軌疆場不侵撫四方而守境豈特阻於
高岑彼桀紂以顛墜非山河而不深顧晉平之愛險獲汝
叔之忠箴鄙魏武之墜志嘉吳起之宏心未代凌遲惡羸
靈寶縣志

卷之八

藝文下 賦

四六

氏之叛渙乃因茲而自增下凌上替山冢峯崩覽孟嘗之
獲免賴博愛而多寵惟七國之西徂仰斯阻而震恐其隄
險之難犯將羣師之無勇咨漢祖之絕關又見敗於勅項
尹喜爰處觀妙研精李老西徂五千遺聲張祿旣入穰侯
乃傾營陵之出稟築由生衛鞅及商喪宗摧名終軍弃繯
擁節飛營覩浮僞於末俗思元貞乎大庭

函谷關賦

閻伯璵

函谷天險宏農邦鎮南據二虢地荒三晉洞開一軌壁立
千仞徑薦雙合梯苔孤峻世濁先封道康後順遠秦塞近

峭陵幽泉脈脈斷峰稜稜增陴霧杳聚杙煙凝高卑異級
坻嶠相承靡屆靡究不騫不崩實隄防之樞轄爲造化之
緘騰齊之以權衡危不可得約之以符璽信而有徵昏主
既廢聖人以興慎終於始欲罷不能觀夫憧憧往來騷駐
成霧據於石東西十里臨其深前後咫尺步建瓴百二之國
扼喉三七之路幅員既長城小而固恃元化之陰隲望彞
倫之攸序於是勅用傳禁棄繻商君本魏之公子柱史乃
周之臣符知結草之可守故習坎以無虞原夫阻河稱深
因山爲衛背宇宙之衝連阡陌之勢萬方納欵百工獻藝
靈寶縣志

卷之八

藝文下

賦

罍九

四旁磔攘諸侯之政典一丸成功陪臣之邪說直指天符
變梯夷之末橫分地維弛旂旒之贅聿修綱紀以遏醜戾
或懸門而不發殊勇夫之重閉懷德惟甯將鎮其細旣皇
漢之辟國實肩鏞於新安固之胡易捨之則難復襟帶於
故道徒頽壤而未乾善孟子之禁暴惡臧孫之謬官存古
訓以是式庶斯文之不刊

懷忠賦

唐 歐陽詹

丙寅歲因受譴季冬之月次於函谷歷關龍逢墓焉昔聆
其風未嘗不迴腸隕涕覩夫塋壘心又增傷遂寫憤於言

爲賦以弔先生以忠諫致命故以懷忠命篇云
天生彼癸兮用殲覆於夏家欲悠悠而罔極毒浩浩而無
涯無辜殞身肆市朝之若莽有道併命委炮烙以如麻伊
先生之諤諤爲酷烈之所加嘗披圖於往載每廢卷於興
嗟蕭條舊邑莽蒼空陂陷陵成坎古木無枝或曰此其墓
也又一倍以贈悲嗚呼麟非騰噬之傳詎虎狼之共穴鳳
實仁靈之類豈鷹鷂之同列惟玉石之明分亦薰蕕之自
別是以蹇蹇心競昂昂面折彼炎炎之燎原信撲撲而不
滅甯歸死以申懷不貪生而結舌痛矣哉古人有言輔仁
者天福善者神胡爲是日功不如人使典章之不信俾忠
義之空勤律中大呂日臨蒙谷風颼颼於衰草烟茫茫乎
平陸思悽悽而填臆淚淫淫以盈目義則非其知友親故
遠夫骨肉節臨危而不撓行於艱而彌篤惟其有之是以
傷之而慟哭

育賢泉賦

明許讚

靈寶邑學直櫺星門下有泉焉出自正統初年甘冽可食
因名育賢泉流里許卽入大河不慮其不至海也余自蚤
年遊學於茲今筮仕二十年碌碌如舊念惟本原之地佳

麗之跡爲之作賦其辭曰詠髦士而興樸棫美君子而先菁莪此詩人取物類之近似明樂育之衆多詠斯泉之奇勝命佳名其奚過直黷池而感沸經石山而逶迤當川原之膠騰出邱壑之蹇蹇函谷南通而炭漫中條北峙而龍從桃林衍西原之塞甘棠望東郡之風逢昭代而建城邑相翼隅而啟學宮三才會感一氣潛通乃若湧羣珠兮翻淖噴寒玉兮深潢土積膏而成滴地綻脈而迸光初涓涓兮沙底稍澹澹兮溪旁遂合流而穿樹乃繚邱而繞岡澗澗云云涌涌泱泱滲滲泱泱澹澹澗澗冬溫燠而不冰

靈寶縣志

卷之八

藝文下

賦

五

早夏寒冽而長漣榮青莎漱碧鮮濯紫芹滋綠荃溪毛紛如錦纈絢然輕漚飄霜雪之璀璨幽潭湛琉璃之澄鮮潤干哇而並蔣瑩一鑑而常圓深汲不盡永輪不涇或月浪搖空涼颺淨宇銀漢遙連冰壺共覩潤通上下光徹仰俯吸沆瀣之茫茫披露華之溥溥驗夜氣兮須臾契道心兮千古或雨霽迎梅風暄試扇照岸畔之繁花拖松陰之匹練妮燕頻來山禽屢盼或被襖兮沙頭或高歌兮水面歎逝者之如斯洵一氣之相轉於是掬清冷以洒其心兮挹浩瀚以沛其文沐汪洋濺以涵養兮茹膏液而陶薰水苻至

以常行兮澤相麗而資羣遡洙泗以尋源兮指濂洛而周
遊河伯之望洋兮何戚而歎子輿之觀瀾兮何術以求就
其淺以泳兮就其深以舟驚魚上下兮潏潏天雲徘徊兮
悠悠究萬殊於一本觀大德於川流存見少而漦漦兮奚
自多而休休必左右之逢源兮始出涘而知羞領河圖於
羲卦之未畫會龜書於禹範之無疇湖海非至大之域涓
滴非至細之傳噫吁勉哉惟敬遜時敏斯昭明有融凡我
君子其尙觀彖於井玩象於蒙果行育德始明道而立體
勞民勸相終致用而成功如月鑑之明水司烜是職李蘭

靈寶縣志

卷之八

藝文下

賦

五

之蘋藻宗廟是崇誠亦不負於泉矣若夫渙忍渾濁滄淺
濫汰濟盈不濡汨沒塵墟如井泥之無禽雨潦之溢澮惟
茲泉之羞亦斯文之害泉之義大矣哉不然何以美惡殊
源感召異向或緣以貪墨或因而狂妄聰明成牛相之聲
華廉讓著范公之雅望邑路通長安每聞西使道漢之太
液唐之華清方丈瀛臺之室已荒頽於菅莽玉龍鳧雁之
嬉空餘剩乎蛙蟬此則崇台池以事仙幻飭泉館以悅傾
城是以證嚮今故明質衡平故雖長江大河尙不能洗滌
其污穢其與清流靈派同東注而浢浢者孰可尤而孰可

名也耶城南楮廣文好賢樂善素愛此泉聞而是之乃爲
歌曰泉水之盈科兮君子以自新泉波之渙漫兮君子以
經綸泉之流兮赴滄海賢之達兮近紫宸前波逝兮後波
續前賢建立兮後賢仰遵泉之長兮無盡賢之出兮何垠
山川草木兮精采長春又歌曰文運昌兮禮樂純奎璧爛
兮泰堦均閭闔啟兮俊乂賓宴瓊林兮錫玉醜舞咸英兮
奏詔鈞海宴河清兮仰一人地效靈兮儒效珍千年萬年
兮泉粼粼泮芹豐芑兮同不泯

梁文貞賦

許讚

靈寶縣志

卷之八

藝文下 賦

三

人之性有本于天植而凡物不足以搖奪之者是浩然之
氣也是氣也有擔當有忍耐不爲習染所移文貞痛母不
逮養穿墻廬墓汎掃供奉人可能也至喑默三十年如一
日不可能也是孟子所謂至大至剛曾子所謂大孝置之
而塞于天地者言異理同文貞有焉樹欲靜兮風不停日
欲晞兮寒雲暄親不遠兮子身在而伶仃昊天彌亘于億
萬里兮親恩何其可形少從軍兮邊庭荷霜戈兮淚零望
高堂兮多繁星聽音聲兮過郵亭歲月忽其愈邁兮注雨
淚之泠泠一朝偶還鄉土兮親棄養而日曠痛承顏之終

絕兮有身有生其曷甯與其圖來世之養兮孰若由隧而
供奉于幽冥若乃穿壙爲門晨夕汛掃廬于墓左暗默不
言痛惟此舉兮固已致孝理于無極歷三十年而無間兮
亘古今而一聆至哉天性厥孝難銘甘露降于瑩水兮白
兔效靈昔絳老言年武子厚賚而謝過范升精易漢帝寵
重而辟官何文貞道純仁孝兮寂徵命之未經羌天意旣
爲之明格兮胡人事反爲之幻骨君固重孝誼而輕時名
兮求治者捨是何以爲斯世之儀型君號人也愚生長斯
土敬爲文以弔嗚呼號水如帶兮號山如屏號田膺膺兮

靈寶縣志

卷之八

藝文下

賦

五

號樹長青招子之魂兮薦水萍孝名歷千年兮日星熒熒

東厓賦

山陰解元

張直

天開分野兮填星耀祥川封巨鎮兮華山面陽凌虛翠立
兮熊耳孔長搏雲補關兮外方允臧桐柏環於朱圉兮靈
叔之包荒陪尾聯於烏鼠兮氣象之昂藏中條起於蒲兮
延袤之無疆秦嶺終於號鎮兮形勢之相亢伊洛以宏兮
啟道源之澄澈灑澗以疏兮裕名流之清冽滎波不興兮
屏沴氣之消融荷澤不濫兮湛天元之瑩潔兩汜其涯同
兮而孟豬之覃被九流其貫通兮而汝潁之旁達衆水其

支分兮而宏農之潤開一源其派別兮而育賢之泉咄名
山大川兮推中州之獨完圖青寫練兮侈東厓之奇觀衮
天席地兮充一榻之燕安吟風弄月兮儲三友之盤桓看
薔薇兮老東山之謝障川流兮依北斗之韓登絕頂兮望
崔生之日跳清流兮觀孟氏之瀾放龍山之馴鶴著鹿皮
之圓冠摩虎石之瑰奇兮以礪發強之操撫虬松之蟠屈
兮以達含貞之妙覽花卉之榮悴兮以悟消長之機披雲
烟之聚散兮以識盈虛之道躡巒嶼之峻層兮以裨文思
之豪聽泉流之潺湲兮以釋人心之躁內達其順兮而弭

靈寶縣志

卷之八

藝文下

賦

五

陟峴之悲外黜其累兮而忘結毛之好身不愛珍兮而鄙
河上翁之貪志不在魚兮而卻晉文公之釣節彼崆峒兮
以廣成而擅名照茲石紐兮以平成而著靈維赫商巖兮
以夢形而底譽維崇首出兮以保釐而流英邇茲泉兮由
呂公之發聞仰崧高兮由申伯之孕子跂終南兮由盧生
之豹隱稱少室兮由李氏之蜚聲追東厓百年之寄跡兮
而與西山千古之爭能元之達辭兮有彰隱德仲雍制贊
兮有輝異蹟道元紀事兮迺見於程呂溫著銘兮迺鑱於
石頌衢室兮汾之通表周渠兮頽之哲詠廬山兮吉之修

記太一兮眉之軾我歌南山白石之調兮以播東厓之德

靈巫寶縣志

卷之八 藝文下 賦

五

襪祥

漢建武七年六月大水宏農都尉治爲水所漂殺民傷稼壞廬舍二十九年宏農蝗熹平四年宏農螟

晉永平三年宏農雨雹深三尺咸寧五年宏農雨雹太康元年又雹二年再雹元康三年復雹

唐開元末桃林縣南尹喜故宅得靈符

後唐咸平二年七月庚寅靈寶縣暴雨崖圯摧壓死者十有二戶

宋大中祥符三年七月號州聖女觀生芝草三本

靈寶縣志

卷之八

襪祥

五七

元至順元年靈寶螟

明成化二十年靈寶大飢民死徙者殆半

嘉靖六年冬十二月靈寶縣馮佐村黃河清凡三日
嘉靖七年冬飢民多餓死

嘉靖十一年靈寶縣獲白鹿是年縣民李仁子牽犬出獵坐崖下崖傾壓焉犬歸號甚急仁乃施從犬所之犬跑覆土露一裾因掘得其子救良救復甦

嘉靖乙卯年地震寺廟民房傾圯無數

崇禎十一十二十三年天道亢旱赤地千里寸粒不收

人民飢死者十之四五

崇禎十四年流寇破城有被殺者倉庫官衙俱焚子遺
逃竄地土荒蕪

國朝順治十三年六月門水暴發漂沒房屋居民有被溺
死者

康熙元年秋霖雨三十日

康熙十一年秋七月蝗飛蔽天食禾殆盡

康熙十四年夏旱兩月禾苗未生百姓惶恐過報上憲
題請蠲免錢糧十分之三

靈寶縣志

卷之八

機祥

五

康熙十六年六月初九日暴雨衝崩東西城湮沒民間
房屋有百餘所

康熙十八年秋霖雨自八月初四日起至九月初十日
晴房傾墻圯秋禾鮮收

康熙三十七年六月十三日夜暴雨壅閉西門水至丈
餘人民號泣忽城內門自裂乃免

康熙五十九年大旱秋禾全無多令捐俸沿村粥賑
乾隆八年七月內梨灣寨等十八村秋禾被災六分蠲
免大糧十分之一賑濟常平穀一千九百四十六石

嘉慶二十年九月二十日夜地震房屋傾圮傷人無數
道光十年又四月二十二日戌時地大震

道光十七年夏旱蝗飛蔽日秋蝻食禾殆盡

道光二十二年夏蝗二十九年八月十四日雨雪傷禾
二十四日大雨雹

道光二十三年七月十四日午黃河暴漲城西門外水
深丈餘漂流房舍樹木無算

道光二十六年大旱邑人有剝木皮搗石為麵以救飢
者道殣相望至次年秋乃雨

靈寶縣志

卷之八

機祥

禿

咸豐三年六月十八日夜大雨好陽河水暴漲至神窩
村水面忽起如樓舍中有笑語聲少頃水益大漂沒
盧舍人畜甚眾

咸豐六年蝗七年又蝗十年黑蟲食禾

同治元年蝗二年二月初八日霜麥苗盡稿八月霖雨
四十日棉花朽落者大半三年雨雹大如卵擊傷人
畜無數九月十四日午刻空中有聲如鼓者三頃之
樂音繚亮自西北迤邐而東移時始杳

同治五年夏縣南十里麥秀兩歧

同治六年七月黑蟲食禾西路諸村被災尤劇

同治十年四月初一日晚十里堡厓崩壓死數十人十一年四月初八日黃風大至偃禾拔木

同治十一年五月二十五日午有風濱河起旋轉如車輪扶搖直上數十丈其下方正如臺中秀竦上嶽巖具樓閣狀砰訇有雷聲折而西至閩之旅店村又折而北渡河所至居民屋舍樹木多損傷者

同治十一年五月又有羊角風自西南起至川口鎮北有居人吳姓某遇之昏暈仆地移時始醒雙目失明

靈寶縣志

卷之八

祥祥

卒

鄰村有卜者習祝咒之術試治之越日愈

同治十三年六月初一日雨雹雷電以風馬泉頭楊店等十餘村損傷禾棉殆盡大木斯拔八月初二日復大雨雹東古驛等十餘村亦如之又霖雨四十餘日

外紀

紀事

紀言

紀物

紀異

左傳之外厥有國語志所未及而旁搜以廣其紀載則外紀著焉或一事而前後互見詳畧同異分矣稗史野乘在所不遺要使博採而不傷於誕庶不至貽譏於大雅也紀事紀言紀物紀異凡四

紀事

周武王放牛於桃林之野

號仲號叔爲文王卿士勲在王室文王友愛二弟謂之二號武王十三年封號仲於故夏之墟宏農陝縣東

靈寶縣志

卷之八 紀事

南之號城是爲西號封號叔於滎陽是爲東號東號檜爲鄭桓公所滅在幽王之世入春秋則已無東號矣左傳號叔死焉此東號也王貳於號此西號也孔穎達正義云春秋列國邾有小邾燕有南燕而號直名爲號者於時東號已滅故不復別之爲西也今鄭州汜水縣東十里有東號城以東號爲鄭滅時尚有西號故別之爲東陝州靈寶縣治南有號州城時止有一號故不復別之爲西亦猶春秋之稱號也

顯王三十九年秦伐魏圍焦曲沃

慎觀王三年楚趙魏韓燕伐秦攻函谷關秦出兵迎之
五國皆敗走

赧王十七年齊韓魏伐秦敗其軍於函谷

秦

莊襄王三年秦伐魏魏公子無忌率五國之師敗之追

至函谷而還

二世二年冬陳涉所遣周章等將西至戲

應邵曰戲宏農湖西界也

秦章邯擊破周章軍而走遂殺章曹陽

晉灼曰亭名在宏農東十三里

漢

高帝二年正月漢王出關至陝撫關外父老還

武帝元鼎三年冬徙函谷關於新安以故關為宏農縣

靈寶縣志

卷之八

紀事

二

成帝時以南山羣盜備宗等數百人為吏民害拜故宏

農太守傅剛為校尉將邀射士千人捕逐

更始二年十二月青犢赤眉賊入函谷關攻更始

更始三年正月赤眉至恒農與更始諸將連戰克勝眾

遂大集前及鄭乃相與議曰今迫近長安當求劉氏

共尊立之六月遂於鄭北設壇塲立劉盆子為帝古

注在枯樅山下屬恒農

更始三年二月更始遣討難將軍蘇茂拒赤眉於恒農

茂軍敗死者千餘人三月遣李松會朱鮪與赤眉戰

於務鄉松等大敗棄軍走死者三萬餘人續漢志宏農有務鄉東關記曰徐宣樊崇等入至恒農枯椹山下與更始將蘇茂戰崇北至務鄉轉至湖湖卽湖城縣也以此而言其務鄉蓋在號州湖城縣之間

後漢光武建武二年二月遣驃騎大將軍景丹率征虜將軍

祭遵等二將軍擊宏農賊破之

建武二年赤眉延岑暴亂三輔郡將大姓各擁兵衆大司徒鄧禹不能定乃遣馮異代禹討之勅異曰三輔遭王莽更始之亂重以赤眉延岑之酷元元塗炭無所依訴今之征伐非必畧地屠城要在平定安集之

靈寶縣志 卷之八 紀事

耳諸將非不健鬪然好虜掠卿本能御吏士念自修救無爲郡縣所苦異頓首受命引而西所至皆布威信宏農羣盜稱將軍者十餘輩皆率衆降異

建武三年正月鄧禹自河北渡擊赤眉於湖禹復敗走赤眉遂出關南向

晉永嘉二年漢劉聰等長驅至宜陽聰恃連勝不設備宏農太守垣延詐降夜襲聰軍大敗而還

北魏永平二年薛安都寇宏農八月冠軍將軍封禮率騎二千從涇津南渡赴宏農

孝武帝永熙三年帝至稠桑潼關大都督毛洪寶迎獻食八月宇文泰遣大都督趙貴梁禦甲騎二千來赴乃奉迎帝過河謂禦曰此水東流而朕西上若得重謁洛陽廟卿等功也帝及左右皆流涕

西魏文帝大統十六年秋七月安定公宇文泰東伐至恒農齊師不出乃還八月丁丑宇文泰率李弼等十二將東伐至潼關獲東魏將高叔禮送於長安戊子至宏農攻之城潰擒東魏陝州刺史李徽伯虜其戰士八千守將高干走渡河命賀拔勝追擒之並送長安於

靈寶縣志

卷之八 紀事

四

是宜陽邵郡皆歸附

東魏靜帝武定元年三月勃海王高歡大敗西魏師於邙山追奔至宏農而還豫洛二州平

周武帝保定五年十月改函谷關爲通洛防

隋恭帝義甯二年唐劉文靜取宏農

李密既歸唐拜光祿卿封邢國公殊怨望未幾聞故所部將多不附世充者高祖詔密以本兵就黎陽招撫故部曲經畧東都王伯當以左武將軍爲密副馳驛東至稠桑驛有詔復召密密大懼謀叛伯當止之不

從乃簡驍勇數十人衣婦人服戴髻羅藏刀裙下詐
爲家婢妾者入桃林傳舍須臾變服遂據其城掠畜
產趨南山而東馳告張相以兵應已熊州副將盛
彥師率步騎伏陸渾縣南邢公岨之下密兵度橫出
擊斬之伯當俱死傳首京師

唐

武后垂拱三年九月虢州人楊初成自稱郎將募州人
迎廬陵王於房州不果見殺

明皇天寶十五載六月丙戌哥舒翰及安祿山戰於靈
寶西原敗績

靈寶縣志

卷之八

紀事

五

肅宗至德二年九月廣平王領番漢之衆收西京走安
守忠賊之死者積如山阜王師乘勝至陝郡賊懼令
嚴莊領其驍勇來拒廣平王遣副元帥郭子儀等與
賊戰於陝州西之曲沃大破之斬首十餘萬嚴莊奔
十月戊申郭子儀等進攻與賊戰於陝州西之新店
賊衆大敗斬首十萬級橫屍二十里庚申安慶緒與
其黨奔河南

宋

眞宗大中祥符八年八月戊戌詔京兆河中府陝同華
虢等州貸貧民麥種

高宗建炎三年春正月辛卯都統邵興及金人戰於潼關敗之復虢州

紹興三年夏四月丙申偽齊李成攻陷虢州

紹興五年九月丙寅岳飛遣統制王貴郝良董先復虢

州盧氏縣

金世宗大定初蒲察世傑復虢州

宣宗貞祐四年十月庚申招射生獵戶練習武藝知山徑者分屯陝虢要地

元世祖至元八年九月降虢州爲虢畧縣十年十二月省

靈寶縣志

卷之八

紀事

六

陝州虢畧朱陽二縣入靈寶

順帝至正十六年九月汝穎賊黨李武崔德等西陷陝州遂斷嶠函勢欲趨秦晉察罕帖木兒往擊之鼓行而西遂拔嶠陵立柵交口陝州城阻山帶河賊轉南山粟給食固守攻之猝不下察罕乃焚馬矢營中如炊烟狀賊畏兵衆不敢逼而夜提兵拔靈寶城賊始覺卽棄陝州渡河陷平陸掠安邑蹂晉南鄙察罕追蹙至下陽津溺死者甚衆

明崇禎七年春正月庚寅總兵官張應昌渡河敗賊於靈

寶夏四月賊自湖廣走盧氏靈寶八年七月十三甲
張獻忠突朱陽關總兵尤世威禦諸號專敗績
十月左良工抵靈寶合遼東總兵祖寬兵剪賊於澗
口焦林焦村朱陽關地也十一月李自成出朱陽關
張獻忠人據靈寶關王高迎祥亦與合良王寬禦之
靈寶不能支陝州陷

國朝康熙四十二年十月

聖祖仁皇帝西巡回鑾經靈寶

駐蹕曲沃鎮摩雲寺越日至陝州

靈寶縣志

卷之八 紀事

七

同治元年五月粵匪偽扶王陳德才偽端王藍成春偽
遵王顏汝洸偽啟王梁成富偽天將馬融和等率黨
三萬餘人由華陰越潼關突隸境初四日陷閿鄉遂
進圍靈寶會陝西駐防委營總圖克唐阿率馬隊三
百抵境縣令杜翊納之與爲城守賊攻三晝夜皆擊
卻昇雲梯敵宇空至先是修城掘地得明季舊礮一
尊置城上守兵發之適斃賊自賊駭退遂攻破近城
各寨殺擄之慘幾無孑遺越日竄入陝州
八月皖匪擒首姜太林孫四牙王懷義周化臨韓老萬

張小明等分股繞山徑入陝州二十一日竄靈寶代
理知縣康會定會同城文武紳耆竭力守禦先是五
月粵逆犯靈寶守城火器缺乏會定籌經費購製大
小礮三十餘位甫抵縣賊亦踵至城賴以守賊遂率
大股分踞各鄉村焚廬舍破砦柵恣殺擄掘窖藏烟
焰彌空尸骸橫野蹂躪十四晝夜乃颺去入盧氏
五年九月三十五六等日皖匪張牛一股由韓城鎮觀
音堂竄陝州夜至靈寶西界縱火焚掠照耀如晝沿
途居民悉受其害俄由閩鄉疾馳入陝

靈寶縣志

卷之八 紀事

八

紀言

左傳守桃林之塞杜注今潼關是也三秦記曰桃林塞
在長安東四百里元和郡國志桃林塞自靈寶以西
至潼關皆是也

帝王世紀云號有三焉周興封號仲於西號此其地也
封號叔於東號卽成臯是也今陝郡平陸縣是北號
應劭漢官儀云宏大也所以廣大農業也

戴延之西征記曰函者道形如函也孫卿子曰秦有松
栢之塞是也

尹翁歸舉孝廉爲宏農都尉徵拜東海太守過辭廷尉于定國定國家在東海欲屬託邑子兩人令坐後堂待見定國與翁歸語終日不敢見其邑子旣去定國乃謂邑子曰此賢將汝不任事也又不可干以私

老氏聖紀圖河上翁授漢文帝道德二經旨奧帝乃齋戒受之唐開元七 years 左庶子劉子元上議今之所注老子是河上翁其序云河上翁者漢文帝時人結茅庵於河曲因以爲號以所注老子授文帝因冲空上天不經之鄙言流俗之虛語漢藝文志注老子者有

靈寶縣志

卷之八

紀言

九

三家河上所釋無聞焉請黜河上翁升王弼所注司馬徽亦云漢史實無其人然所注以養神爲宗以無爲爲體請河王二注俱行

韓休爲虢州刺史號於東西京爲近州乘輿所至常稅廐芻休請均賦他郡中書令張說曰免號而與他州此守臣爲私惠耳休復執論吏白恐忤宰相意休曰刺史幸知民之弊而不救豈爲政哉雖得罪所甘心焉訖如休請 盧杞爲虢州刺史奏言號有官豕三千爲民患德宗曰徙之沙苑杞曰同州亦陛下百姓

臣謂食之便帝曰守虢而憂他州宰相材也詔以豕賜貧民遂有意柄任矣俄召入踰年拜相按兩人皆以虢州守臣言公家事而休見疑於名相杞受知於猜主遇合有命信哉

楊於陵寶厯中以僕射入覲其子嗣復率兩榜門生迎於潼關宴新昌里第時元白俱在賦詩席上楊汝士詩先成元白覽之失色汝士大醉歸謂子弟曰吾今日壓倒元白

裴令公度居洛夜飲半酣公索句元白有德色時公爲

靈寶縣志

卷之八

藝文下

紀物

十

破題次至楊汝士曰昔日蘭亭無豔質此時金谷有高入白知不能加遽裂之曰笙歌鼎沸勿作冷淡生活元顧曰樂天所謂能全其名者也

紀物

夸父之山多櫻柗竹箭多悖牛羝羊陽多玉陰多鐵桃林多野馬

山海經云夸父之山其北有林名曰桃林廣圍三百里中多馬造父於其中得驂騮馱之乘以獻穆王

硯史云西都會聖宮石在溪澗中色紫理如號石號州

石理細如泥色紫可愛發墨不滲
筆經曰宏農張芝用鼠鬚筆

紀異

呂氏春秋曰有莘氏女子採桑得嬰兒桑中其母居伊
水故命之曰伊尹 伊尹母化爲空桑

春秋莊公三十二年秋七月有神降於莘以聲接人居
莘六月

范曄後漢書張楷字公超隱居宏農山學者隨之所居
成市能爲五里霧後華山南遂有公超霧市

靈寶縣志

卷之八

藝文下

紀異

二

吳均續齊諧記宏農楊寶見一黃雀爲鷓臬所搏取之
以歸置巾箱中養之百餘日毛羽成朝去暮還後寶
久讀書未卧有黃衣童子向寶再拜曰我王母使臣
昔使蓬萊不慎爲臬所搏蒙君仁愛救拯今當受使
南海不得奉侍以白環四枚與君令君子孫潔白且
位登三事當如此環矣

同治元年粵皖各匪竄境團民陣亡暨守峯被戕者採錄

於後

九品 亢芳芝 九品 張書聲 九品 張崇德 九品 張英才 九品 閻廣智

增 許展騶 監 張守謙 監 張篤行 監 張龍壘 監 張問仁

監 張圖書 監 張龍善 監 張乃河 監 張東海 監 張慎言

監 張居嵐 監 亢榮光 監 張邦教 監 張漣漪 監 張正元

監 蔡朝聘 監 許廷寵 監 張德修 監 張鵠聲 監 秦九霄

監 趙毓祥 監 盧寶善 監 蘇春魁 監 蘇元麟 監 張展猷

靈寶縣志 卷之八 義勇

生 張 鵬 員 亢濟普 員 韓補拙 員 張金銑 員 呼延射

生 陰凌霄 員 潘恒泰 員 張鴻飛 員 秦有容 員 張典章

生 張斗南 員 張漢章 員 張定山 員 薛緘三 員 薛典三

武 許鼎甲 武 許揚廷 武 黃輝彩 鄉 張堯典 耆 張維仁

員 朝俊魁 張轉子 董玉鏡 張天福 張金堂

張海子 張平安 張世安 張紀子 張世隆

張玉璋 張三元 張兆英 張拴子 張子樂

張子明 張子仁 張金五 張銀五 高月祿

張景全 張朝仁 張朝榮 張苟談 張吉人

理問任志學干何子南奏蘇文炳九品何俊秀監生伍玉觴

監生袁春生監生趙玉祥監生任重監生張英舉監生蘇明都

監生楊會清監生李書泰監生薛春榮員生張中庸武生張凌漢

壽官毋厭詩壽官齊汝榮壽官秦宜思壽官秦崇武 毋不重

毋伐善 王履泰 張玉斗 張鳳簫 張鳳翔

何子班 王永貴 僧金聲 一任廷雲 賀茂林

李朝棟 李根娃 王樹枝 李自兆 李蒼子

楊泮林 亢瑞雲 秦振羽 秦紹宗 韓焜

韓科 姚振方 邵乃望 邵鍾都 邵甘霖

靈寶縣志 卷之八 義勇

邵三會 邵學士 李清泰 杜文榜 杜文元

杜永全 張存性 張存修 張存財 張同儒

張來收 李三合 李文周 李占元 楊金印

張潭清 崔元堂 郭青雨 亢雲江 李際泰

蘇憲章 許開業 楊記 李惠 李本源

李生輝 王承帝 張自康 張懷玉 張懷振

劉天祥 劉安祥 劉占英 李生暉 李安華

郭文民 錢發舉 陳廷麟 陳廷時 張重簾

郭增 郭均 郭十義 趙自立 郭學詩

許古魁 許囊寶 常長儒 陳登 林長娃

溫羣子 黃代明 陳鎖子 張改名 王長魁

王桂年 徐根羊 蘇振和 常清洛 常學道

郭連城 張奇 杜高雲 陳玉堂 孫祥兒

崔根榜 喬安邦 袁長泰 徐振德 王天慶

王來娃 亢守謙 蘇起雲 徐中途 彭思

趙璵 盧保仁 黃申娃 杜隨子 胡二

陳榮公 徐安道 屈能伸 袁夥 崔向榮

李炳勳 孫拐娃 王芝良 蘇思正 徐羊兒

靈寶縣志

卷之八

義勇

三

李炳輝 梁成 張牛 宋之榮 段尾巴

溫煥石 許欽 許福魁 許佩紳 許鹿子

王義 邢三晏 段自新 白中靈 尙長治

杜掌兒 何學貴 李建元 侯山兒 何五魁

劉平兒 卯勝軒 梁思成 梁大購 梁寶枝

高四娃 李彩桂 陳邦英 李昌厚 陳天元

崇玉堂 史清晰 史玉班 史執銳 史太和

史恒元 史成元 史殿升 張興同 張向魁

張振春 張舒翹 劉復生 張安吉 張漢西

張小虎 韓多元 吳老四 毋殿魁 孫自金

戴成德 胡山 南清玉 段保子 何萬許

崔智 董法鰲 韓廣施 郭良雲 何堂子

張書桂 韓紀元 韓前子 侯振東 韓成元

韓盛堂 韓九昌 張書堂 張定子 范畏靈

張祥年 李登清 陰詠鳳 李悶娃 李小吉

李會子 閻毛娃 李萬德 李萬祥 陰元

陰串子 吳天才 李占魁 郭來娃 李過兵

吳思尊 吳登科 吳登榮 吳書甲 吳甲寅

靈寶縣志

卷之八

義勇

四

屈萬貴 屈萬良 許牛羣 李相元 張殿吉

張東福 馬思公 王昭祥 董法金 董過子

董德茂 許天成 朱凸子 武小羣 張邦娃

李秀書 李同書 李生春 王自春 吳殿才

張長星 常支娃 車有子 荆禮 亢折桂

亢勞子 王清福 盧克元 薛步斗 薛步霞

彭成索 段維漢 段順來 段成祥 韓廣淵

許致義 許開吉 許貴子 許金斗 許秉振

許鴻臣 許雙元 許隨子 許清輝 許秉時

史正位 史隨成 史執柯 史善世 史從雲

史墨林 張成林 張中元 張一元 張昌元

張俊明 張楨 韓振興 張耀林 張質

張樸 張模 史恒智 史可披 關書廷

李芳蘭 趙以溫 張吉堂 張根吉 張紹泰

張三樂 張三槐 張法程 張全花 張明哲

張書堂 張甲寅 張成名 張新誠 張維誠

張希正 咎長才 薛侯林 薛存英 薛楊鎮

張凌牛 張凌元 張希舜 張永益 張希文

靈寶縣志

卷之八

義勇

五

張凌衢 張冲星 張冲翼 張冲漢 張伏生

張光兒 張鳳漢 張金針 宋成德 宋明德

宋法賢 張水橫 張凌房 張書林 張祥聲

張桂林 張儒聲 張勞娃 張豫 張順

張柳兒 張杏兒 張萬君 張萬川 張黑兒

張振南 張改子 張好仁 張層兒 張瀛洲

侯德正 侯勞兒 侯隨當 侯文郎 張敬事

張景華 黃坤元 侯克孝 黃正心 黃鶴興

黃長興 黃春福 黃中林 黃世英 黃中花

| | | | | |
|-----|-----|-----|-----|-----|
| 侯雙換 | 屈蠻娃 | 黃長清 | 侯受業 | 張本智 |
| 張本義 | 張世祿 | 張世德 | 黃中興 | 黃忠孝 |
| 黃春芳 | 黃鶴文 | 黃萬國 | 亢如圭 | 許有芳 |
| 許長林 | 許勵 | 許端 | 亢四合 | 亢士榮 |
| 亢瑞雲 | 亢成元 | 亢錫智 | 亢成羣 | 胡金榮 |
| 楊保樹 | 許磨環 | 孫萬英 | 王、道 | 王小回 |
| 蘇崇德 | 蘇鬧兒 | 王清吉 | 王宗本 | 樊從選 |
| 郭禮義 | 王金堂 | 樊步屏 | 王堂子 | 王來財 |
| 王方子 | 樊吉堂 | 樊正顏 | 王向義 | 樊承祥 |

靈寶縣志

卷之八

義勇

六

王致中 樊正倫 張步月 蘇現魁 蘇維正

張生枝 張盛遇 張邦英 張凌漢 張凌箕

蘇映斗 蘇運昇 蘇連昇 張邦直 張凌尾

蘇世魁 蘇清魁 蘇蜂兒 蘇糖兒 蘇困兒

蘇元良 蘇中季 蘇宗威 王世恩 樊從周

邵乃望 秦封函 秦紹宗 秦宗子 秦滿莊

姚振方 姚臨抗 姚三姓 秦羣儒 秦狗銚

秦宜師 秦方貴 韓焜 秦生財 張玉懷

孟凝 王多福 張玉秀 張呈泰 張三益

張玉子

張樹人

張金玉

張樹林

張逢甲

張廣生

張成林

張萬金

張五子

張樹印

張壽娃

何雲徵

何改南

張玉清

張嘜子

張金文

張遇子

張蒲床

張剛子

張寄命

張修身

張海珠

張會子

張都行

張俊儒

張發兒

張重福

張展倫

張來貞

張宗義

張宗昭

胡興隆

胡購娃

胡宗堯

張福堂

張畏天

姚際唐

張省身

張行道

張遵道

張重文

張重行

張三女

張俊傑

張安仁

靈寶縣志

卷之八

義勇

七

張利仁

張俊義

張興地

張興朝

李逢太

李元興

李元起

李萬方

李長玉

李純玉

何之順

張名貴

張杭州

張繫兒

張順義

張天漢

張較進

何同雲

張樹楠

張樹義

張一魁

張夢祥

張玉珍

張玉柯

張玉田

張明新

張作雨

張瑞堂

張樹春

張明寅

張興仁

張問禮

張鳳書

張應麟

申冠林

申兆林

何藏經

翟萬治

劉學文

紀法合

周天雲

楊聯甲

張丙寅

張三寅

張之剛

尙萬樂 許開業 常豪京 常豪彦 常秉善

常書娃 常有娃 楊有義 郭金輝 郭金禮

何尙年 趙振河 趙金堂 亢孟郎 亢天德

党聯英 張五魁 李萬祿 趙萬紀 王青魁

王忠勇 趙春紀 楊長良 楊茂娃 楊得福

段謀魯 楊存詩 楊玉斗 楊漢文 楊作棟

李映斗 李勸 趙學懷 楊萬春 趙丙午

楊萬業 李願 許金玉 張麟經 毋月春

嚴兔兒 嚴盧兒 趙九娃 趙振乾 趙振海

靈寶縣志

卷之八

義勇

八

毋彥師 楊永吉 楊漢武 楊青雲 閻知遜

楊純 狄發祿 杜朝相 汪登輝 張項兒

許永遠 張步瀛 蘇王秀 蘇元邦 蘇中霄

蘇灶兒 蘇蘭 蘇振鵬 蘇成霄 蘇金娃

蘇元省 蘇變 蘇復昌 蘇定花 蘇敬

蘇登科 蘇定辰 蘇振清 蘇加科 蘇六娃

蘇定娃 蘇金精 蘇三購 蘇金絲 劉法福

王成娃 王四娃 王令娃 蘇維豫 王長
王五行 蘇金枝 蘇根敦 王中興 王興隆

李成憲 李丙軍 張法貴 亢冠賢 建錄行

趙疇子 張步雲 孫承繼 李藍田 李思家

李嘉祥 張景明 李金書 李春元 李玉

李金榜 李九成 李寶智 李寶三 李芳林

李新冠 李亭 李炳花 李炳蔚 李景豔

李于漳 李于泮 李加科 李提章 李建基

李輝東 李拖 李滿盈 李本 李泮育

楊現瑞 張圓子 張江海 張崇本 李炳輝

李四成 李好善 張漢章 張天恩 張天心

靈寶縣志

卷之八

義勇

九

張天聰 毋元良 尙和明 白鐵毛 紀芳名

屈丙寅 屈有增 屈兵子 屈得秉 屈廷選

屈有升 屈琴 屈君選 屈赴選 屈雲路

屈思魁 屈好友 屈好智 屈萬祿 屈福選

閻得中 屈萬銀 常天喜 屈志道 屈法明

屈保術 屈廷舉 屈青雲 屈園子 張自新

張鵬兒 張英烈 張振德 張明堂 張振東

李永昌 張海亮 翟玉印 翟轉娃 張永剛

張永祿 張士娃 何天秀 張來儀 李芳花

張祿堂 張盛魁 張同心 張純心 張書部

張如意 蘇金貴 蘇來貴 劉本善 劉殿英

劉殿鰲 張乙璽 張新年 張朝儀 張純周

張居官 張金聲 張炳茹 張登榜 石懷亮

石茂兒 張步霄 張秉田 石懷玉 石時娃

張問道 張萬朝 張成章 張懷智 張樂江

張玉成 張懷信 張書會 張萬方 張峰嶺

張萬峰 張 洞 張 汾 張磁兒 張濟川

張巨川 張臨川 張萬幾 張向辰 張恭兒

靈寶縣志

卷之八

義勇

張改過 張林生 張唐娃 張庄子 張萬元

張萬凝 張柿子 張明志 張明志 張書魁

張三變 張三周 張三光 張須兒 張銀娃

索雙勞 張紀元 張百姓 張開隨 張紹君

張根尚 張灶子 張林祥 張伴常 張轉進

張步書 張紹義 張致中 張開府 張紹周

張清順 張紹渠 張永干 張中堂 張紹烈

張炳麟 張兆麟 邵鍾都 韓三科 邵甘霖

邵雨霖 邵雪霖 秦中貴 秦金貴 秦馭貴

張彩章 張開順 張巷章 張登圮 張永孝

張長庚 張修詞 張明德 張邦禮 張名高

張慎餘 張萬銀 張思彩 張文林 張本善

張文靈 張紹敷 張邦元 張邦福 張育生

張春子 張丙吉 張清芝 張石頭 張湍漪

郭金鑑 郭金魁 郭學義 郭金貴 郭才兒

張登崗 王振海 王振宇 蘇玉明 張庚寅

張金庫 張鳳翔 關永立 常升 常長齡

亢民信 孟多識 張開義 張開書 張懷棟

靈寶縣志

卷之八

義勇

十一

張問義 張問平 張謂子 張開集 張如苞

張如萬 張開英 張永義 張合兒 張如茂

張世溫 張山兒 張席珍 張依然 張世彩

張成羣 張明玉 張重華 張來子 張順心

張立子 張福周 張殿祥 趙改名 趙五羣

牛廷舉 劉定邦 韓秀元 呂金堂 張喜元

張固元 任萬育 任寅子 王三鰲 王六娃

張鳳舞 駱小謀 駱小管 趙老四 劉老八

韓九賓 梁學孔 劉丑娃 張殿選 張虎娃

王振東 王振南 蘇世隆 王有財 王修魁

蘇一成 蘇法子 蘇貴娃 蘇根營 蘇起成

蘇旺 蔡金洞 蔡建林 蘇起蛟 蘇金波

邵金法 蘇成元 蘇中和 蘇明辰 蘇自存

蘇燕娃 祭夢花 蔡夢奇 王一清 蘇官隆

李篤行 蘇思明 蘇臨芳 蘇臨祥 王應修

蘇騰霄 蘇興林 王許官 徐中途 徐公輝

徐中華 蘇江東 翟應祥 翟應試 潘恒順

潘定山 翟善化 蘇隨幸 蘇合升 蘇自天

靈寶縣志

卷之八

義勇

十二

蘇自博 張大魁 張幸兒 蘇夢春 蘇得純

蘇學仁 蘇維桓 蘇元貞 蘇海水 蘇開水

蘇根來 蘇隨來 王強兒 蔡進中 蔡致中

蘇長榮 蘇長泰 蔡謙修 蔡萬興 蔡安平

劉法有 王興海 徐殿輝 蘇自安 蘇維枝

蘇九德 蘇九疇 蘇振海 張林泮 張鳳瑞

張鳳飛 張鳳祿 張林士 張林堂 張林儒

楊生魁 常媒娃 董玉鼎

以上九百七十八人係已請旌入忠義祠者

殉難婦女

生員秦補拙妻何氏 生員潘恒泰妻荆氏 史著唐妻許氏

史著虞妻張氏 史著周妻王氏 史錄善妻陳氏

徵荆楠妾張氏 史殿光妻宋氏 史正身妻黃氏

史性成妻趙氏 張掄元妻荆氏 史執銳母韓氏

史正辭妻蘭氏 張彥明妻席氏 張自恭妻邵氏

張士鴻妻張氏 周繼殷妻張氏 史清晰妻孟氏

史玉班妻王氏 張邦清妻孟氏 張俊明母亢氏

張邦耀母韓氏 張長齡母姜氏 張長庚妻王氏

靈寶縣志

卷之八

殉難婦女

十三

張邦興妻樊氏 張芝林妻于氏 張思彩母張氏

張文林妻關氏 陳琛妻薛氏 張辛丑妻李氏

張宗魁母方氏 張希志母宋氏 張三曲妻楊氏

監生荆典學妻薛氏 張甲辰妻張氏 張邦教妻喬氏

張邦典妻喬氏 張七娃妻樊氏 張邦福妻荆氏

張育生妻李氏 張邦玉妻王氏 張成烈妻齊氏

張並吉妻沈氏 張延安妻宋氏 張俊甲母李氏

張澄濟妻趙氏 張長安妻南氏 張蓮堂母焦氏

郭士坎母趙氏 郭兆妻張氏 郭宏義母張氏

張四五妻蘇氏 張廷魁妻樊氏 郭振祥母喬氏

張定山妻齊氏 席嘉言母焦氏 張炳麟妻沈氏

韓學堂妻焦氏 董懷合妻李氏 董懷義妻何氏

韓小祥妻程氏 楊光前妻陶氏 陰法乾妾景氏

陶君定妻楊氏 陳大雪妻韓氏 陰武雲母劉氏

陰武雲妻韓氏 韓小庫妻張氏 韓可元妻趙氏

李書堂母韓氏 張小記妻王氏 張景芳妻郭氏

亢芳林妻杜氏 亢保元妻袁氏 亢榮光妻孫氏

亢永長妻樊氏 張世忠妻齊氏 張樹楠妾岳氏

靈寶縣志

卷之八

殉難婦女

十四

張步哲妻何氏 張清全妻劉氏 張芳芝妻齊氏

張篤行妻南氏 張金鑑妻樊氏 張漢書妻彭氏

張清河妻陳氏 張朝儀妻何氏 張丙寅妻齊氏

張海子妻陳氏 張世興妻齊氏 張玉清妻李氏

張玉魁妻齊氏 張世安妻齊氏 張金財妻何氏

張紀元妻袁氏 張清花妻何氏 張名貴妻南氏

何雲貞妻黃氏 張作雨妻車氏 張四保妻許氏

張元榜妻高氏 劉樹枝妻張氏 張逢甲妻何氏

張發貴妻王氏 張三益妻譚氏 張兆瑛妻建氏

張步瀛妻袁氏 張玉琇妻張氏 張永義妻蔡氏

任來虎妻邵氏 張萬朝妻郭氏 張懷信妻梁氏

張秉義妻何氏 張雲章妻許氏 張運娃妻許氏

監生張儒臣妻史氏 任成文妻建氏 張世煜妻張氏

張開元妻關氏 張懷仁妻何氏 張問道妻張氏

張憲章妻許氏 張逢泰妻董氏 張景藝妻韓氏

亢芳芝妻張氏 許榮甲妻張氏 許揚廷妻張氏

建錄行妻許氏 孫萬英妻史氏 孫鳳翔妻齊氏

孫鳳德妻亢氏 孫龍翔妻蘇氏 孫振翔妻張氏

靈寶縣志

卷之八

殉難婦女

十五

王世興妻齊氏 蘇崇德妻徐氏 王永稱妻秦氏

衛恒泰妻馮氏 王 記妻劉氏 樊庚申妻王氏

樊庚寅妻蘭氏 蘇運昇妾王氏 蘇暎斗妻楊氏

蘇宗瞻妻唐氏 蘇宗章妻王氏 韓三科妻許氏

邵慶雲母張氏 秦中貴妻張氏 秦封函妻王氏

秦應魁妻張氏 秦鵬飛妻狄氏 韓凌烟妻李氏

韓月江妻張氏 秦九思妻亢氏 秦有容妻張氏

秦紹德妻趙氏 亢居士母張氏 秦樹東妻焦氏

翟金城母亢氏 亢居士妻杜氏 亢三河妻杭氏

關更新妻王氏 孟中元妻李氏 亢清鎮妻張氏

亢中泰妻翟氏 李觀田妻蘭氏 李戊辰妻張氏

李詠妻張氏 李海珠妻樊氏 李海清妻周氏

李祿廷妻劉氏 李丙花妻趙氏 李景恒妻陳氏

李樹森母杜氏 張天恩妻毋氏 張廷玉妻屈氏

屈問仁妻孫氏 屈問政妻王氏 屈書選妻張氏

屈文升妻高氏 屈保成母杜氏 李拖母李氏

李樹妻李氏 楊存友妻張氏 楊書元妻毋氏

趙萬紀妻楊氏 王忠義妻毛氏 趙永仁妻蘇氏

靈寶縣志

卷之八

殉難婦女

六

趙萬紀母林氏 吳成元母張氏 唐廷元母張氏

蘇玉秀妻李氏 蘇元麟妻白氏 蘇成霄妻曾氏

蘇振邦妻衛氏 蘇彩章妻王氏 蘇至玉妻李氏

蘇定花妻張氏 蘇定辰妻王氏 蘇金法妻張氏

蘇金枝妻李氏 王振東妻侯氏 王修魁妻蘇氏

蘇元合妻馬氏 蘇凝蛟妻秦氏 閻自剛妻王氏

翟應舉妻孟氏 蘇維桓妻李氏 蔡見周妻李氏

蘇長榮妻張氏 蔡萬興妻梁氏 蔡安平妻趙氏

蘇明祥妻徐氏 蔡同春妻郭氏 蔡層霄妻彭氏

蘇上林妻王氏 蘇根來妻張氏 蔡致中妻何氏

李天祥妻丁氏 蘇臨苦妻齊氏 蘇懷昌妻賀氏

蘇臨發妻王氏 閻威妻蘇氏 蔡謙修妻田氏

蘇世隆妻李氏 徐中途妻馬氏 蔡名來妻賈氏

蘇旺妻張氏 蘇金興妻史氏 蘇紀兒妻李氏

王興海妻何氏 蘇元枝妻張氏 蘇老辰妻焦氏

閻金娃妻姚氏 蘇合升妻張氏 蘇合興妻高氏

蘇思敬妻張氏 蘇應時妻樊氏 蘇木林妻亢氏

李復興妻樊氏 李來瑞妻樊氏 趙平章妻張氏

靈寶縣志

卷之八

殉難婦女

十七

蘇夢春妻何氏 蘇維枝妻索氏 蘇永嘉妻李氏

蘇九鼎妻焦氏 蘇慎修妻李氏 蘇自福妻張氏

趙寬章妻李氏 趙存弟妻陳氏 趙存忠妻侯氏

張麟經妻何氏 張林泮妻張氏 趙遍妻董氏

杜叢林妻李氏 杜振林妻王氏 張鳳瑞妻張氏

張鳳飛母胡氏 杜盛林妻馬氏 張成年妻薛氏

張青芝妻張氏 張鳳祿妻馬氏 張林儒母徐氏

監生

李書泰妻劉氏 張林儒兒妻張氏

以上已請 旌表者

張自恭女五姑 史玉班女二姑 張邦耀女瑪瑙

張芝林女改姑 張汝為女層姑 張朝兒女通草

張儒德女竹姑 張建都女蘭英 張邦選女橘姑

張邦元女線姑 郭金魁女大姑 亢保元女蝶姑

張逢甲女環姑 張清花女雪姑 張飛熊女金姑

張懷耀女大姑 張秉忠女大姑 張清泉女煙香

孫鳳翔女二大姑 蘇維正女淑姑 秦紹宗女孺子

秦有容女玉蓮 王世昇女大姑 陳萬邦女玉兒

楊玉斗女美姑 蘇成章女秦姑 徐中花女迎姑

靈寶縣志

卷之八

殉難婦女

六

潘恒升女小女 蘇維枝女齊正 張麟經女荷亭

以上已請 旌表者

監生邵恒農妻李氏 生員韓補拙妻何氏 生員張兆麟妻王氏

張湧源妻党氏 趙體楨妻衛氏 韓興儒妻史氏

秦九思妻亢氏 貢生楊書總妻伍氏 王殿邦妻陳氏

崔永清妻張氏 母汝林妻史氏 生員葛盛夏妻李氏

杜叢林妻楊氏 蘇西庚妾李氏 蘇雲峯妻何氏

李金周妻高氏 劉鳳岐妻王氏 趙之通妻張氏

趙以和妻杭氏 陳萬寶妻王氏 陳步超妻趙氏

陳龍堂母李氏 陳龍堂妻董氏

張楊氏 張賀氏 毋閻氏

史亢氏 張齊氏 韓許氏

以上未請 旌表者

教諭邵克煜女 訓導史炳麟女 周法章女

劉思合女 李書泰女 何保成女

以上未請 旌表者



